

四庫全書

子部

欽定四庫全書

子部
本草綱目卷十一

詳校官太醫院吏目臣周世泰

編修臣倉聖脈覆勘

總校官庶吉士臣何思鈞

校對官中書臣吳裕德

騰錄監生臣徐瑤

欽定四庫全書

本草綱目卷十一目錄

金石之五
鹵石類二十種附錄二十七種

食鹽
別錄

戎鹽
本經

光明鹽
唐本

鹵鹹
本經

凝水石
本經即
寒水石

玄晶石

開寶

綠鹽

唐本

鹽藥

拾遺
懸石附

朴消

本經

玄明粉

藥性

消石

本經即
煇消

硃砂

唐本

蓬砂

日華持蓬
投石藥附

石硫黃

本經

石硫赤

別錄

石硫青

別錄
黃香附

礬石

本經

綠礬

日華

黃礬

綱目

湯瓶內驗

綱目

右附方舊一百零二新二百四十九

附錄諸石

本草綱目卷十一目錄

欽定四庫全書

本草綱目卷十一

明李時珍撰

金石之五

鹵石類二十種
附錄二十七種

食鹽

別錄
中品

校正

志曰元在米部今移入此
時珍曰併入本經大鹽

釋名鹺

音嗟時珍曰鹽字夏器中煎鹵之形禮記鹽曰鹹鹺廣韻云天生白鹵人造曰鹽許慎說

文云鹽鹹也東方謂之斥西方謂之鹵河東謂之鹹黃帝之臣宿沙氏初煮海水為鹽本經大鹽即今解

池類鹽也別錄重出食鹽今併為一方士呼鹽為海砂

集解

別錄曰大鹽出邯鄲及河東池澤恭曰大鹽即河東印鹽也人之常食者形粗于食鹽弘景曰

有東海鹽北海鹽南海鹽河東鹽池梁益鹽井西羌山鹽胡中樹鹽色類不同以河東者為勝東海鹽官鹽白草粒細北海鹽黃草粒粗以作魚鮓及鹹直乃言北勝而藏繭必用鹽官者蜀中鹽小淡廣州鹽鹹苦不知其為療體復有優劣否藏器曰四海之內何處無之惟西南諸夷稍少人皆燒竹及木鹽當之頌曰并州未鹽乃刮鹹煎鍊者不甚佳所謂鹵鹹是也大鹽生河東池澤粗于末鹽即今解鹽也解州安邑兩池取鹽於池旁耕地沃以池水每得南風急則宵夕成鹽滿畦彼人謂之種鹽最為精好東海北海南海鹽者今滄密楚秀溫台明泉福廣瓊化諸州煮海水作之謂之澤鹽醫方謂之海鹽海邊掘坑上布竹木覆以蓬茅積沙于上每潮沙衝坑則鹵鹹淋於坑中水退則以火炬煎之鹵氣衝火皆滅因取海鹵貯

盤中煎之頃刻而就其煮鹽之器漢謂之牢盆今或
鼓鐵為之南海人編竹為之上下周以屨灰橫丈深
尺平底置於窰背謂之鹽盤梁益鹽井者今歸州及
四川諸郡皆有鹽井汲其水以煎作鹽如煮海法又
濱州有土鹽煎鍊草土而成其色最粗黑不堪入藥
通秦海州並有俾夕刮鹹煎鹽輸官如井州未鹽之
類而味更優以供給江湖極為饒行時珍曰鹽品甚
多海鹽取海鹵煎鍊而成今遼冀山東兩淮閩浙廣
南所出是也井鹽取井鹵煎鍊而成今四川雲南所
出是也池鹽出河東安邑西夏靈州今惟解州種之
疏鹵地為畦隴而墾園之引清水注入久則色赤待
夏秋南風大起則一夜結成謂之鹽南風如南風不
起則鹽失利亦忌濁水淤澱鹽脈也出海豐深州者
亦引海水入池晒成井州河北所出皆鹹鹽也刮取
鹹土煎鍊而成階成鳳川所出皆崖鹽也生于土崖
之間狀如白礬亦名生鹽此五種皆食鹽也上供國

課下濟民用海鹽井鹽鹹鹽三者出于人池鹽崖鹽
 二者出于天周禮云鹽人掌鹽之政今祭祀供其苦
 鹽散鹽賓客供其形鹽散鹽王之膳羞供飴鹽苦鹽即
 類鹽也出於池其鹽為類未鍊治其味鹹苦散鹽即
 未鹽出於海及井并煮鹹而成者其鹽皆散未也形
 鹽即印鹽或以鹽刻作虎形也或云積鹵所結其形
 如虎也飴鹽以飴拌成者或云生于戎地味甜而美
 也此外又有崖鹽生于山崖戎鹽生于土中傘子鹽
 生于井石鹽生于石木鹽生于樹蓬鹽
 生于草造化生物之妙誠難殫知也

修治
時珍曰凡鹽人多以礬消灰石之類雜之
 入藥須以水化澄去脚滓煎鍊白色乃良

大鹽氣味甘鹹寒無毒
別錄曰食鹽鹹溫無毒多食
 傷肺喜欬權曰有小毒時珍

曰鹹微辛寒無毒保昇曰多食令人失色膚黑損筋
 力之才曰漏蘆為之使散曰敞單淡鹵烏賊骨亦淡

鹵

主治腸胃結熱喘逆胸中病令人吐

經本

傷寒寒熱吐

胸中痰癖止心腹卒痛殺鬼蠱邪疰毒氣下部蠶瘡

堅肌骨

別錄

除風邪吐下惡物殺蟲去皮膚風毒調和

臟腑消宿物令人壯健

藏器

助水臟及霍亂心痛金瘡

明目止風淚邪氣一切蟲傷瘡腫火灼瘡長肉補皮

膚通大小便療疝氣滋五味

大明

空心揩齒吐水洗目

夜見小字

甄權

解毒涼血潤燥定痛止痒吐一切時氣

風熱痰飲闕格諸病

時珍

發明

弘景曰五味之中惟此不可缺西北方人食不耐鹹而多壽少病好顏色東南方人食絕欲鹹

而少壽多病便是損人傷肺之效然以浸魚肉則能經久不敗以沾布帛則易致朽爛所施各有所宜也宗奭曰素問云鹹走血故東方食魚鹽之人多黑色走血之驗可知病喘嗽人及水腫者宜全禁之北狄用以淹尸取其不壞也其燒利全銀鎔汁作藥仍須解州大鹽為佳時珍曰洪範水曰潤下作鹹素問曰水生鹹此鹽之根源也夫水周流於天地之間潤下之性無所不在其味作鹹疑結為鹽亦無所不在人則血脈應之鹽之氣味鹹腥人之血亦鹹腥鹹走血血病無多食鹹多食則脈凝泣而變色從其類也煎鹽者用皂角收之故鹽之味微辛辛走肺鹹走腎喘嗽水腫消渴者鹽為大忌或引痰吐或泣血脈或

助水邪故也然鹽為百病之主百病無不用之故服
補腎藥用鹽湯者鹹歸腎引藥氣入本臟也補心藥
用炒鹽者心苦虛以鹹補之也補脾藥用炒鹽者虛
則補其母脾乃心之子也治積聚結核用之者鹽能
軟堅也諸癰疽眼目及血病用之者鹹走血也諸風
熱病用之者寒勝熱也大小便病用之者鹹能潤下
也骨病齒病用之者腎主骨鹹入骨也吐藥用之者
鹹引水聚也能收且腐與此同義諸蟲及蟲傷用之
者取其解毒也頌曰唐柳柳州纂救三死方云元和
十一年十月得霍亂上不可吐下不可利出冷汗三
大斗許氣即絕河南房偉傳此方入口即吐絕氣復
通一法用鹽一大匙燉令黃童子小便一升合和溫
服少頃吐
下即愈也

附方

舊四十二
新二十七

鍊鹽黑丸

崔中丞鍊鹽黑丸方鹽末
一升納粗瓷瓶中實築泥

頭初以塘火燒漸漸加炭火勿令瓶破候赤徹鹽如水汁即去火待凝破瓶取出鼓一升熬煎菘仁一兩和麩炒熟巴豆二兩去心膜紙中炒令油出須生熟得所熟即少力生又損人四物搗勻入蜜和九梧子大每服三九平旦時服天行時氣鼓汁及茶下心痛酒下入口使止血痢飲下初變水痢後便止鬼瘧茶飲下骨蒸蜜湯下忌久冷漿水合藥久則稍加之凡服藥後吐利勿怪吐利若多服黃連汁止之或遇殺藥人藥久不動者更服一兩丸藥後忌口二三日其藥臘月合之瓷瓶密封勿令洩氣一劑可救百人或在道途或在村落無藥可求但用此藥即敵大黃朴消數兩曾用有效小兒女子不可服被攪作也劉禹錫傳

卒中尸遁

其狀腹脹急冲心或塊起或牽腰信方 卒中尸遁 春者是服鹽湯取吐 孫真人方

尸疰鬼疰

下部蝕瘡炒鹽布裏 鬼擊中惡 鹽一盞水坐雙之 藥性論 二盞和服

以冷水啜之即
避救急方

中惡心痛

或連腰臍鹽如雞子大青布裏燒赤納酒中頓服當

吐惡物愈
蛇權藥性論

中風腹痛

鹽半斤熬水乾著口中飲熱湯二斤得吐愈
肘後方

脫陽虛證

四肢厥冷不省人事或小腹緊痛冷汗喘炒鹽熨臍下氣海取煖
救急方

腹脹堅

痛悶欲死鹽五合水一升煎服
梅師方
腹脹氣滿
鹽

酒服六銖
後魏書

酒肉過多

脹滿不快用鹽花擦牙溫水漱
下二三次即如湯沃雪也
商

方便
乾霍亂病

上不得吐下不得利方見發明
霍亂腹痛
炒鹽一已熨
其心腹令氣

透又以一包熨
其背救急方

霍亂轉筋

欲死氣絕腹有暖氣者以鹽填臍中灸鹽上七壯即

魁救
急方

肝虛轉筋

肝臟氣虛風冷搏于筋遍體轉筋入腹不可忍熱湯三斗入鹽半斤

稍熱清之 一切脚氣 鹽三升蒸熟分裏近壁以脚踏

尤良夜夜用之 脚氣疼痛 每夜用鹽擦腿膝至足甲

人病此曾用 胸中痰飲 傷寒熱病瘧疾須吐者並

後脇脹 天行病後兩脇脹滿熱 妊娠心痛 不可忍鹽

一撮 妊婦逆生 鹽厚產婦腹并塗兒足底 婦人陰

痛 青布裏鹽熨 小兒疝氣 并內弔腎氣以葛袋盛鹽

科盃即愈 小兒不尿 安鹽於臍中以艾 小便不通

濕紙色白鹽燒過吹少許 氣淋臍痛 鹽和醋服之

入尿孔中立通 普濟方 二

便不通

鹽和苦酒傅臍中乾即易仍以鹽汁灌臍
內并內用紙裹鹽投水中飲之
家藏方漏

精白濁

雪白鹽一兩并築緊固齊煨一日出火毒白
茯苓山藥各一兩為末棗肉和蜜九梧子大

每棗湯下三十九蓋廿以濟
臍脾腎兩得也
直指方

下痢肛痛

不可忍者煮
鹽已坐熨之

后方血痢不止

白鹽紙色燒研調粥喫三
四次即止也
救急方

中蠱吐血

或下血如肝鹽一升苦酒一升煎化頓
服得吐即愈乃支大醫方也
小品方

金瘡血出

甚多

若血冷則殺人宜炒鹽三
撮酒調服之
梅師方

金瘡中風

煎鹽令熱以起
抄漚却水熱瀉

瘡上冷更著一日勿住
取瘡大効
肘后方

小兒撮口

鹽頭搗貼臍上
灸之子母秘錄
病

笑不休

滄鹽煨赤研入河水煎沸吸之探吐熱痰數
升即愈素問曰神有餘笑不休神心火也火

得風則焰笑之象也一婦病此半年飲酒不醉酒先

張子和用此方遂愈儒門事親
食鹽一七則后飲明目堅齒去腎大利老眼海鹽以

必倍肘后方
石器內熬取雪白鹽花新瓦器盛每早揩牙漱水以

大指甲點水洗目閉坐良久乃洗面名洞視千里法
極神妙方風熱牙痛槐枝煎濃湯二盞入鹽一斤煮

永類鈴方
唐瑤經齒蠶齒動鹽半兩皂莢兩挺同燒赤研夜食

療本齒齲宣露每旦齶鹽熱水含百遍五齒疼出血

草
每夜鹽末厚封斷上有汗瀝盡乃臥其汁出時叩齒

勿住不過十夜疼血皆止忌猪魚油菜等極驗肘
后喉中生肉五六度蘇裏筋頭挂鹽搯之日帝鍾喉風垂長

煨食鹽 頻點之 風病耳鳴 鹽五升蒸熱以耳枕之 耳
即消 聖惠方 冷復易之 肘后方

卒疼痛

上方同

目中淚出

鹽點目中冷水洗 數次瘥 范汪方

目中浮翳

遮睛白鹽生研少許頻點 小兒目翳 或來或去漸大 屢効小兒亦宜 直指方

許燈心蘸點日三五次不痛 塵物眯目 以少鹽并豉 不礙屢用有効 活幼口說

立出 孫 酒皴赤鼻 白鹽常擦之 口鼻急疔 蝕爛腐 真人方 妙 直指方

鹽白麩等分為末每 面上惡瘡 五色者鹽湯浸餘榻 以吹之 普濟方 瘡上五六度即瘥

藥性 體如蟲行 風熱也鹽一斗水一石煎湯浴之三 論 四次亦療一切風氣 外臺秘要

瘡癬痛痒

初生者嚼鹽頻搽 之妙 千金翼

手足心毒

風氣毒腫鹽 末椒末等分

酢和傳之立
疔 肘后方

手足疣目

鹽傳上以舌砥之不
過三度瘡 肘后方

熱病生

蠶

下部有瘡熱鹽熨之
不過三次 梅師方

一切漏瘡

故布裏鹽燒赤為
末每服一錢 外

臺秘 臘瘡經年

鹽中黑泥晒研
搭之 永類方

蠹蝮尿瘡

鹽湯浸瘡
榻瘡上

食療 蜈蚣咬人

嚼鹽塗之或鹽湯
浸之妙 梅師方

蚯蚓咬毒

形如大
風眉鬚

皆落惟濃煎鹽湯浸身數遍即愈
浙西將軍張詔病
此每夕蚯蚓鳴于體一僧用此方而安州畏鹽也

經驗 蜂蠆螫叮

嚼鹽塗之
千金方

解黃蠅毒

烏蒙山峽多小
黃蠅生毒蛇鱗

中齒人初無所覺漸痒為瘡勿搔但以冷
水沃之擦鹽少許即不為瘡 方與勝覽
毒蛇傷螫

嚼鹽塗之灸三壯仍嚼
鹽塗之 徐伯玉方

虱出怪病

臨臥渾身虱出約
至五升隨至血肉

俱壞每宿漸多痛痒不可言狀惟喫水臥牀晝夜號哭舌尖出血不止身齒俱黑唇動鼻開但飲鹽醋湯

十數日即安

解狼毒毒

鹽汁飲之

藥箭毒氣

鹽貼

灸三十壯良

救溺水死

以大瓮臥之後足放高用鹽擦臍中待水自流出切勿倒

提出水
救急方

潰癰作痒

以鹽摩其四圍即止
外科精義

戎鹽

本經
下品

釋名胡鹽

別錄

羌鹽

日華

青鹽

綱目

秃登鹽

唐本

陰土鹽

大明
曰西

番所食者故號戎鹽羌鹽恭曰戎鹽即胡鹽也沙州名秃登鹽鄆州名為陰土鹽生河岸山坂之陰土石

問故

名

集解

別錄曰戎鹽生胡鹽山及西羌北地酒泉福祿城東南角北海青南海赤十月采當之曰戎鹽味苦臭是海潮水澆山石經久鹽凝著石取之北海者青南海者赤弘景曰史書言北地鹽有九種白鹽食鹽常食者黑鹽主腹脹氣滿胡鹽主耳聾目痛柔鹽主馬脊瘡又有赤鹽馭鹽臭鹽馬齒鹽四種並不入食馬齒即大鹽黑鹽疑是鹵鹹柔鹽疑是戎鹽而此戎鹽又名胡鹽二三相亂今戎鹽北地甚有從涼州來亦從燉煌來其形作塊片或如雞鴨卵或如菱米色紫白味不甚鹹口嘗氣臭正如假雞子臭者乃真又河南鹽池泥中自有凝鹽如石片打破皆青黑色善療馬脊瘡又疑此是戎鹽又巴東胸臆縣北崖有鹽井鹽水自凝生織子鹽一二寸中央突張如織形亦有方如石骨博碁者恭曰戎鹽即胡鹽生河崖山坂之陰土石間大小不常堅白似石燒之不鳴炆也宗典曰戎鹽成瑛裁之如枕細白味甘鹹頌曰陶

氏所說九種今人不能遍識醫家治眼及補下藥多用青鹽恐即戎鹽也本草云北海青海南海赤今青鹽從西羌來者形塊方稜明瑩而青黑色最奇北海來者作大塊而不光瑩又多孔竅若蜂窠狀色亦淺于西鹽彼人謂之鹽枕入藥差劣北胡又有一種鹽作片屑如碎白石彼人亦謂之青鹽絨封於匣與鹽枕并作禮贄不知是何色類時珍曰本草戎鹽云北海青南海赤而諸注乃用白鹽似與本文不合按涼州異物志云姜賴之墟今稱龍城剛酋千里蒺藜之形其下有鹽累碁而生出于胡國故名戎鹽讚云鹽山二岳二色為質赤者如丹黑者如漆小大從意鑿之為物作獸辟惡佩之為吉或稱戎鹽可以療疾此說與本草本文相合亦惟赤黑二色不言白者蓋白者乃光明鹽而青鹽赤鹽則戎鹽也故西涼記云青鹽池出鹽正方半寸其形如石甚甜美真臘記云山間有石味勝于鹽可琢為器梁四公傳言交河之間掘

碩下數尺有紫鹽如紅如紫色鮮而甘其下文許有
鑿珀北戶錄亦言張掖池中出堯花鹽色如堯花隨
月盈縮今寧夏近涼州地鹽井所出青鹽四方皎潔
如石山丹衛即張掖地有池產紅鹽紅色此二鹽即
戎鹽之青赤二色者醫方但用青鹽而不用紅鹽不
知二鹽皆名戎鹽也所謂南海北海者指西海之南
北而言非炎方之南海也張果玉洞要訣云赤戎鹽
出西戎粟自然水土之氣結而成質其地水土之氣
黃赤故鹽亦隨土氣而生味淡于石鹽力能伏陽精
但於火中燒汁紅赤凝定色轉益者即真也亦名絳
鹽抱朴子書有作赤鹽法又嶺南一種紅鹽乃染成
者皆非真紅鹽也又丹房鑑源云鹽鹽可伏雌雄紅
鹽為

上

氣味鹹寒無毒

宗典曰甘鹹大明曰平獨孤治曰戎
鹽赤黑二色能累卵乾汞制丹砂

主治明目目痛益氣堅肌骨去毒蠱經本心腹痛溺血

吐血齒舌血出別錄助水臟益精氣除五臟癥結心腹

積聚痛瘡疥癬大明解芫青斑蝥毒時珍

發明宗典曰戎鹽甘鹹功在却血入腎治目中赤赤

帶甘入藥似勝同禮注云飴鹽味甜即戎鹽不知果否或云以飴拌鹽也

附方新六小便不通戎鹽湯用戎鹽彈九大一枚茯苓

金匱方風熱牙痛青鹽一斤槐枝半斤水四盞煎汁二盞煎至乾炒研日用揩牙洗目

唐氏經牢牙明目青鹽二兩白鹽四兩川椒四兩煎汁拌鹽炒乾日用揩牙洗目永無

齒疾目疾
通變要法

風眼爛弦

戎鹽化水點之
普濟方

痔瘡漏瘡

白礬
四兩

青鹽四兩為末猪尿脬一箇盛之陰乾
每服五錢空心溫水下
趙氏經驗方

光明鹽

唐本草

釋名石鹽

唐本

聖石

蜀本

水晶鹽

綱目時珍曰雷毀炮炙
論序云聖石開盲明目

而如雲雜日則光明者
乃兼形色與功而名也

集解

恭曰光明鹽生鹽州五原鹽池下鑿取之大者
如升皆正正方光徹頌曰今階州出一種石鹽生

山石中不由煎鍊自然成鹽色甚明瑩彼人甚貴之
云即光明鹽也時珍曰石鹽有山產水產二種山產
者即屋鹽也一名生鹽生山崖之間狀如白礬出于
階成陵風永康諸處水產者生池底狀如水晶石英

出西域諸處吳錄云天竺有新淘水味甘美下有石
鹽白如水晶又波斯出自然白鹽如細石子金幼故
北征錄云北地有鹽海子出白鹽瑩潔如水晶又有
鹽池鹽色或青或白軍士采食之此皆水產者也梁
四公子傳云高昌國燒羊山出鹽大者如斗狀白如
玉月望收者其文理粗明澈如水非月望收者其文
理密金樓子云胡中白鹽產于崖映月光明洞澈如
水晶胡人以供國厨名君王鹽亦名玉華鹽此則山
產者也皆自然之鹽所謂天成者也益州記云汶山
有鹹石以水漬而煎之成鹽此亦石鹽之類而稍不
者同

氣味鹹甘平無毒

主治頭痛諸風目赤痛多眵淚

唐本

發明

時珍曰光明鹽得清明之氣鹽之至精者也故入頭風眼目諸藥尤良其他功同戎鹽而力差

之次

鹵鹹

本經下品

釋名鹵鹽

寒石

吳

石鹵

補遺時珍曰鹹音有二音咸者潤下之味音減者鹽

土之名後人作鹵作鹹是矣許慎說文云鹵西方鹹地也故字從西省文象鹽形東方謂之斥西方謂之鹵河東謂之鹹傳云兗為澤其於地也為剛鹵亦西方之義

集解

別錄曰鹵鹹生河東池澤弘景曰今俗不復見鹵鹹疑是黑鹽又云是煎鹽釜下凝滓二說未

詳恭曰鹵鹹生河東河東鹽不釜煎明非凝滓又疑是黑鹽皆不然此是鹵土也今人熟皮用之于鹵地

掘取頌曰并州人刮鹹煎鍊不甚佳即鹵鹹也概曰鹵鹹即鹵水也時珍曰說文既言鹵鹹皆斥地之名則謂疑滓及鹵水之說皆非矣鹵鹽與鹵鹵不同山西諸州平野及大谷榆次高亢處秋間皆生鹵窪之如水近之如積雪土人刮而熬之為鹽微有蒼黃色者即鹵鹽也廣韻所謂天生曰鹵人造曰鹽是矣凡鹽未經滴去苦水則不堪食苦水即鹵水也鹵水下澄鹽凝結如石者即鹵鹵也丹溪所謂石鹵者乃灰鹵也見土類吳普本草謂鹵鹹一名鹵鹽者指鹵水之鹽非鹵地之鹽也不妨同名

氣味苦寒無毒

別錄苦鹹寒獨孤酒曰鹵鹽制四黃作鉶藥同礪砂卷鐵一時即軟

主治大熱消渴狂煩除邪及下蠱毒柔肌膚去五

經本

臟腸胃留熱結氣心下堅食已嘔逆喘滿明目目痛

錄別

附方

新

二風熱赤眼

虛腫

瀉痛

齒齲

一升

青梅

二十七

文新瓶盛密封湯

中煮一炊時三日後取

煎日三五度

聖惠方

齒腐銀爛

不拘大人小兒用

上好鹹土熱湯淋

取汁石器熬乾刮下入麝

香少許研搽之

宜明方

凝水石

本經中品

釋名白水石

本經

寒水石

凌水石

別錄

鹽精石

泥精

鹽枕

綱目

凝時珍曰

又可夏月研末煮湯入瓶倒懸

井底即成凌水故有凝水白水寒水凌水諸名生于

積鹽之下故有鹽精以下諸名石膏亦有寒水之名

積鹽之下故有鹽精以下諸名石膏亦有寒水之名

與此
不同

集解

別錄曰：凝水石色如雲母，可折者，鹽之精也。生常山谷，又中水縣及邯鄲弘景曰：常山即恒山，屬并州。中水屬河間邯鄲屬趙郡，此處地皆鹹鹵，故云鹽精而碎之亦似朴消。此石末置水中，夏月能為冰者，佳時珍曰：別錄言凝水鹽之精也。陶氏亦云：鹵地所生，碎之似朴消。范子計然云：出河東河東鹵地也。獨孤論丹房鑑源云：鹽精出鹽池，狀如水晶。據此諸說，則凝水即鹽精石也。一名泥精，昔人謂之鹽枕。今人謂之鹽根，生于鹵地積鹽之下，精液滲入土中，年久至泉結而成石。大塊有齒稜如馬牙，消清瑩如水精，亦有帶青黑色者，皆至暑月回潤，入水浸久亦化。陶氏注戎鹽謂鹽池泥中自有凝鹽如石片，打破皆方而色青黑者，即此也。蘇頌注玄精石謂解池有鹽精石，味更鹹苦，乃玄精之類。又注食鹽謂鹽枕作

精塊有孔竅若蜂窠可緘封為禮贊者皆此物也唐宋諸醫不識此石而以石膏方解石為注誤矣今正之於

下

正誤

恭曰凝水石有縱理橫理兩種色清明者為上或云縱理為寒水石橫理為凝水石今出同州

韓城色青橫理如雲母為良出澄州者斜理文色白為劣也頌曰今河東汾隰州及德順軍亦有之三月采石有一種冷油石全與此相類但投沸油鑄中油即冷者是也此石性冷有毒誤服令人腰以下不能舉宗輿曰凝水石文理通徹人或磨刻為枕以備暑月之用入藥須燒過或市人者入輕粉以亂真不可察陶氏言夏月能為水者佳如此則舉世不能得矣閻孝忠曰石膏潔白堅硬有牆壁寒水石軟爛可以手碎外微青黑中有細文玉隱君曰寒水石堅白晶潔狀若明礬蓬砂之質或有碎之粒粒大小皆四方

故又名方解石今人謂之硬石膏者是也時珍曰寒
水石有二一是軟石膏一是凝水石惟陶弘景所注
是凝水之寒水石與本文相合蘇恭蘇頌寇宗奭
孝忠四家所說皆是軟石膏之寒水石王隱君所說
則是方解石諸家不詳本文鹽精之說不得其說遂
以石膏方解石指為寒水石唐宋以來相承其誤通
以二石為用而鹽精之寒水石絕不知用此千載之誤
也石膏之誤近千載朱震亨氏始明凝水之誤非時
珍深察恐終
於絕響矣

修治

斲曰凡使須用生薑自然汁煮乾
研粉用每十兩用生薑一鎰也

氣味辛寒無毒

別錄曰甘大寒普曰神農辛岐伯醫
和扁鵲甘無毒李當之大寒時珍曰

辛鹹之才曰解巴豆毒畏地
榆獨孤瀉曰制丹砂伏玄精

主治身熱腹中積聚邪氣皮中如火燒煩滿水飲之

久服不饑本經除時氣熱盛五臟伏熱胃中熱止渴水

腫小腹痺別錄壓丹石毒風解傷寒勞復甄權治小便白

內痺涼血降火止牙疼堅牙明目時珍

發明時珍曰凝水石稟積陰之氣而成其氣大寒其味辛鹹入腎走血除熱之功同於諸鹽古方所

用寒水石是此石唐宋諸方寒水石是石膏近方寒水石則是長石方解石俱附各條之下用者詳之

附方傳二男女轉脬不得小便寒水石二兩滑石一兩葵子一合為末水一斗煮五

升時服一升即利永類方牙齦出血有寒水石粉三兩朱砂二錢甘草腦子一字為末

乾揆 普濟方 湯火傷灼 寒水石燒研傳之 小兒丹毒 皮膚熱赤

寒水石半兩白土一分為末 醋調塗之 經驗方

玄精石 宋開寶

釋名太乙玄精石 陰精石 綱目 玄英石 時珍曰此石乃鹹鹵至陰

之精凝結而成 故有諸名

集解

頌曰玄精石出解州解池及通秦州積鹽倉中亦有之 其色青白龜背者佳 采無時又解池有

鹽精石味更鹹苦亦玄精之類也 恭曰近地亦有之色亦青白片大不佳時珍曰玄精是鹹鹵津液流浹入土年久結成石片片狀如龜背之形 蒲解出者其色青白通徹蜀中赤鹽之液所結者色稍紅光沈存

中華談云太陰玄精生解州鹽澤之鹵溝渠土內得
大者如杏葉小者如魚鱗悉皆尖角端正如龜甲狀
其裙襖小墜其前則刻其後則上刻正如穿山甲相
拊之處前是龜甲更無異也色綠而瑩徹叩之則直
埋而拆瑩如明鑑拆處亦六角如柳葉大燒過則悉
解拆薄如柳葉片片相離白如霜雪平潔可愛此乃
粟積陰之氣凝結故皆六角今天下所用
玄精乃絳州山中所出絳石非玄精也

氣味鹹溫無毒

時珍曰甘鹹寒獨孤
涵曰制硫黃丹砂

主治除風冷邪氣濕痺益精氣婦人瘕冷漏下心腹
積聚冷氣止頭痛解肌開寶主陰證傷寒指甲而色青
黑心下脹滿結硬煩渴虛汗不止或時狂言四肢逆

冷咽喉不利腫痛脈沈細而疾宜佐他藥服之又合

大藥塗大風瘡

宗爽

發明

頌曰古方不見用近世補藥及傷寒多用之其
者者治傷寒正陽丹出汗也時珍曰玄精石稟
太陰之精與鹽同性其氣寒而不溫其味甘鹹而降
同硫黃消石治上盛下虛救陰助陽有扶危拯逆之
功故鐵甕中先生來復丹用之正取其寒以
配消硫之熱也開寶本草言其性溫誤矣

附方

舊一
新八

正陽丹

治傷寒三日頭痛壯熱四肢不利
太陰玄精石消石硫黃各二兩

砂二兩細研入甕瓶固濟以火半斤周一寸湯之約
近半日候藥青紫色住火待冷取出用臘月雪水拌
勻入罐子中屋後北陰下陰乾又入地埋二七日取
出細研麩糊和丸雞頭子大先用熱水浴後以艾湯

研下一九以衣蓋汗
出為瘥
圖經本草
小兒風熱
扶風蘊熱體熱太陰
玄精石一兩石膏七

錢半龍腦半兩為末每服
半錢新汲水下
普濟方
肺熱欬嗽
方見不
冷熱霍

亂
分利陰陽玄精石半夏各一兩硫黃三錢為末
怒糊丸梧子大每末飲服三十九
指南方
頭

風腦痛
玄精石末八羊膽中陰乾水調
一字吹鼻中立止
千金方
目赤澀痛
精玄

石半兩黃蘗炙一兩為
末點之良
普濟方
赤目失明
內外障翳太陰玄
精石陰陽火煨石

决明各一兩麩仁黃連各二兩羊子肝七箇竹刀切
晒為末粟米飯九梧子大每以時茶服二十九服至

七日烙頂心以助藥力一月見效宋丞相言
黃典史病此夢神傳此方愈
朱氏集驗方
目生赤

脈
玄精石一兩甘草半兩為末每服一錢
小兒半錢竹葉煎湯調下
總微論
重舌涎出

水漿不入太陰玄精石二兩半黃硃砂龍腦一分為末以鉄針舌上去血鹽湯漱口慘末熱津神効 聖

方 患

綠鹽

唐本草

釋名鹽綠

石綠

綱目

集解

恭曰綠鹽出焉者國中石下取之狀若扁青空青為眼藥之要今人以光明鹽礪砂赤銅屑

釀之為瑰綠色以充之珣曰出波斯國生石上舶上將來謂之石綠裝色久而不變中國以銅醋造者不堪入藥色亦不久時珍曰方家言波斯綠鹽色青陰雨中乾而不濕者為真又造鹽綠法用熟銅器盛取漿水一升投青鹽一兩在內浸七日取出即綠色以物刮末入漿水再浸一七或二七取出此非真綠鹽

也

氣味鹹苦辛平無毒

主治目赤淚出膚瞖眇暗

唐本

點目明目消瞖療小兒

無辜疔氣

李珣

附方 新 二 眇赤眼痛

鹽綠一分蜜半兩于蚌蛤內相和每夜臥時漿水洗目炙熱點之能

斷根

聖濟方 目暗赤澀

多淚鹽綠一錢麩仁去皮一錢研熱入好酥一錢研勻每夜點一麻

子 聖

惠方

鹽藥

拾遺

集解

藏器曰生海西南雷羅諸州山谷似芒消末細入口極冷南人少有服者恐極冷入腹傷人宜

慎之

氣味鹹冷無毒

主治眼赤皆爛風赤細斫水和點之又水斫服去熱

煩痰滿頭痛明目鎮心又主蛇虺惡蟲毒藥箭鏃毒

疥癬癰腫瘰癧並摩傅之甚者水化服之又解獨白

草箭毒

藏器

附錄懸石

保昇曰人若常服鍊石者至及家中生懸石若芒消其冷如雪殺火毒

朴消

本經上品

校正

併入別錄芒消嘉祐馬牙消

釋名消石朴

別錄

鹽消

綱目

皮消

志曰消是本體之名石乃堅白之號朴者未化

之義也以其芒消英消皆從此出故曰消石朴也時珍曰此物見水即消又能消化諸物故謂之消生于鹽鹵之地狀如未鹽凡牛馬諸皮須此治熟故今俗有鹽消皮消之稱煎鍊入盆凝結在下粗朴者為朴消在上有芒者為芒消有牙者為馬牙消神農本草經止有朴消消石名醫別錄復出芒消宋嘉祐本草又出馬牙消蓋不知消石即是大消朴消即是芒消馬牙消一物有精粗之異爾諸說不識此遂致紛紜也今併芒消牙消於一云

集解

別錄曰朴消生益州山谷有鹹水之陽采無時色青白者佳黃者傷人赤者殺人又曰芒消生

於朴消毀曰朴消中揀出形似麥芒號曰芒消志曰以暖水淋朴消取汁鍊之今減半投于盆中經宿乃有細芒生故謂之芒消也又有英消者其狀若白石英作四五稜瑩澈可愛主療與芒消同亦出於朴消其煎鍊自別有法亦呼為馬牙消宗典曰朴消是初采得一煎而成者未經再鍊故曰朴消可以熟生牛馬皮及治金銀有偽芒消是朴消淋汁再鍊者時珍曰消有三品生西蜀者俗呼川消最勝生河東者俗呼鹽消次之生河北青齊者俗呼土消皆生于斥鹵之地彼人刮掃煎汁經宿結成狀如未鹽猶有沙土猥雜其色黃白故別錄云朴消黃者傷人赤者殺人須再以水煎化澄去滓脚入蘿蔔數枚同煮熟去蘿蔔傾入盆中經宿則結成白消如水如蠟故俗呼為盆消齊衛之消則底多而上面生細芒如鋒別錄所謂芒消者是也川晉之消則底少而面上生牙如圭角作六稜縱橫玲瓏洞徹可愛嘉祐本草所謂馬牙

消者是也。狀如白石，英又名英消。二消之底則通名。朴消也。取芒消、英消再三以蘿蔔煎鍊去鹹味，即為甜消。以二消置之風日中吹去水氣，則輕白如粉。即為風化消。以朴消、芒消、英消同甘草煎過，即雖升焮則為玄明粉。陶弘景及唐宋諸人皆不知。諸消是一物，但有精粗之異，因名。迷實謬，猜亂度殊，無指歸。詳見消石正誤下。

朴消

木經

氣味苦寒無毒

別錄曰

苦辛大寒無毒。鍊白如銀，能寒能熱，能滑能瀉，能

平能鹹，能酸入地，千年不變。權曰：苦鹹有小毒。時珍曰：別錄所列神化之說，乃消石之功。詳見消石下之。才曰：石韋為之使惡。參句董張從正曰：畏三稜。

主治百病除寒熱邪氣逐六臟積聚結固留癖能化

七十二種石鍊餌服之輕身神仙

本經

胃中食飲熱結

破留血閉絕停痰痞滿推陳致新

別錄

療熱脹養胃消

穀

皇甫謐

治腹脹大小便不通女子月候不通

甄權

通泄

五臟百病及癥結治天行熱疾頭痛消腫毒排膿潤

毛髮

大明

芒消

別錄

氣味辛苦大寒無毒

權曰鹹有小毒

主治五臟積聚久熱胃閉除邪氣破留血腹中痰實

結搏通經脈利大小便及月水破五淋推陳致新

別錄

下癰瘰黃疸病時疾壅熱能散惡血墮胎傳膝瘡甄權

馬牙消宋嘉祐氣味甘大寒無毒時珍曰鹹微甘即英消也

主治除五臟積熱伏氣甄權末篩點眼赤去赤腫障翳

瀉淚痛亦入點眼藥中用大明功同芒消時珍

發明成無己曰內經云鹹味下泄為陰又云鹹以要

者以寒消之故張仲景大陷胸湯大承氣湯調胃承氣湯皆用芒消以軟堅去實熱結不至堅者不可用也
好古曰本草云朴消味辛是辛以潤腎燥也今人不用辛字只用鹹字鹹能硬堅也其義皆是
芒消利小便而墮胎然傷寒妊娠可下者用此兼大黃引之直入大腹潤燥硬堅瀉熱而母子俱安經云

有故無殞亦無殞也此之謂歟以在下言之則便溺俱陰以前後言之則前氣後血以腎言之總主大小便難溺瀉秘結俱為水少火盛經云熱淫於內治以鹹寒佐之以苦故用芒消大黃相須為使也元素曰芒消氣薄味厚沈而降陰也其用有三去實熱一也滌腸中宿垢二也破堅積熱塊三也孕婦惟三四月及七八月不可用餘皆無妨宗與曰朴消是初得一煎而成者其味酷澀所以力緊急而不和治食膈不消以此蕩逐之芒消是朴消林過鍊成故其性和緩故今多用治傷寒時珍曰朴消澀下消之粗者也其質重濁芒消牙消結於上消之精者也其質清明甜消風化消則又芒消牙消之去氣味而甘緩輕與者也故朴消止可施於鹵莽之人及傳塗之藥若湯散服餌必須芒消牙消為佳張仲景傷寒論只用芒消不用朴消正此義也消稟太陰之精水之子也氣寒味鹹走血而潤下傷滌三焦腸胃實熱陽強之病乃

折治火邪藥也唐時臘日賜郡臣紫雪紅雪碧雪皆用此消鍊成者通治積熱諸病有神效貴在用者中的

附方

葛十七新

紫雪

療傷寒溫瘧一切積熱煩熱狂易叫走瘴疫毒癘卒死脚氣五

尸五疰心腹諸疾疔刺切痛解諸熱毒邪熱發黃蠱毒鬼魅野道熱毒小兒驚癇百病黃金一百兩石膏寒水石滑石慈石各三斤搗碎水一斛煮四斗去滓八犀角屑羚羊角青木香沈香各五兩玄參洗焙升麻各一斤甘草炒八兩丁香一兩入煎汁中煮取一斗五升去滓入鍊朴消十斤消石三十二兩於藥汁中微火煎之柳木不住攪至水氣乾盡傾水盆中待欲凝入麝香一兩二錢半硃砂末三兩攪勻收之每服一二錢凉水服臨時加紅雪毒聞三焦利五臟除減甚者一兩和濟局方

毒熱破積滯治傷寒狂燥胃爛發狂溫瘴脚氣黃疸
頭痛目昏鼻塞口瘡喉痺重舌腸癰等病用川朴消
十斤鍊去滓矜羊角屑黃斤升麻各三兩人參赤芍
藥櫛榔枳殼麩炒生甘草淡竹葉木香各二兩木通
梔子葛根桑白皮大青藍葉各一兩半蘇方木六兩
並剉片水二斗五升煎至九升去滓濾過煎沸下消
不住手攪待水氣將盡傾入器中欲凝下未砂一兩
麝香半兩經宿成雪每服一二錢新汲水調下欲行
則熱湯化服一
兩和劑方 **碧雪** 治一切積熱天行時疾發狂昏
煩燥或大小便不通胃火諸病朴消芒消馬牙消消
石石膏水飛寒水石水飛各一斤以甘草一斤煎水
五升入諸藥同煎不住手攪令消鎔得所入青黛一
斤和勻傾盆內經宿結成雪為末每含噉或吹之或
水調服二三錢欲通利則 **涼膈驅積** 王旻山人甘露
熱水服一兩和劑局方 **飲治熱壅涼胸**

和勻入新竹筒內半筒已上即止不得令滿却入炊
 甑中今有藥處在飯內其虛處出其上蒸之飯熟取
 出綿濾入瓷鉢中竹篾攪勿停手待凝收入瓷盒每
 臥時含半匙漸漸嚥之如要通
 轉即多服之 劉禹錫傳信方 乳石發動 煩悶芒消
 蜜水調服

一錢日三服

聖惠方

骨蒸熱病

芒消末水服方寸匕
 日二服良 千金方

腹中痞

塊

皮消一兩獨蒜一箇大黃末八分搗作餅貼于患處以消為度 邵氏經驗方

食物過飽

不消遂成痞腸馬牙消一兩吳茱萸半斤煎汁投消
 乘熱服之良久未轉更進一服立效寶羣在常州此
 方得効也 經方 關格不通 大小便閉脹欲死兩三日則殺
 人芒消三兩泡湯一升服取吐

即通

小便不通

茵花散用芒消三錢茵
 香酒下 簡要濟衆方

時氣頭痛

朴消末二兩生油調
塗頂上 聖惠方 赤眼腫痛 朴消置豆腐上蒸化
取汁收點 簡便方

風眼赤爛

明淨皮消一盞水二盞煎化露一夜濾淨
澄清朝夕洗目三日其紅即消雖半世者

亦愈也

楊

退翳明目

白龍散用馬牙消先淨者厚
紙裏實安在懷內著肉養一

誠經驗方

百二十日研粉入少龍腦不計年歲深遠眼生翳膜
遠視不明但腫人不破散者並宜日點之 經驗方

諸眼障翳

牙消十兩湯泡汁厚紙濾過瓦器熬乾置
地上一夜入飛炒黃丹一兩麝香半分再

羅適入腦子日
點 濟急仙方

逐月洗眼

芒消六錢水一盞六分澄
清依法洗日至一年眼如

童子也正月初三二月初八三月初四四月初五
月初五六月初四七月初三八月初一九月十三十

月十三十一月十六十
二月初五日 聖惠方

牙齒疼痛

皂莢濃漿同朴消
煎化淋於石上待

戎霜擦之
普濟方

食蟹腿腫

朴消傳之即
普濟方

喉痺腫痛

外臺用
朴消一

兩細細含咽立効或加丹砂一錢
氣塞不通加生甘草末二錢半吹之

小兒重舌

馬牙
消塗

莽舌上下日
三姚和衆

口舌生瘡

朴消含之良
孫真人方

小兒驚口

馬牙
消擦

舌上日五度
簡要濟衆

豌豆毒瘡

未成膿者豬膽汁和
芒消末塗之
梅師

代指腫

痛

芒消煎湯漬
之
聖惠方

火焰丹毒

水調芒消末
塗之
梅師

一切風疹

水

芒消湯拭
之
梅師

漆瘡作痒

芒消湯塗
之
千金

灸瘡飛蝶

因父灸火
瘡痴退落

瘡內鮮肉片子飛如蝶狀騰空飛去痛不可言是血
肉俱熱怪病也用朴消大黃各半兩為末水調下微

利即愈
子益奇疾方

夏

婦人難產

芒消末二錢童子小便溫
服無不効者
信効方
死

胎不下

方同上豐城曾尉有猫孕五子一子已生子死腹中用此灌之即下又治一牛亦下

信効

女人繫足

脫骨湯用杏仁一錢桑白皮四錢水五盞新瓶煎三盞入朴消五錢乳香

一錢封口煎化置足於上先熏后洗三日
一作十餘次后軟若束綿也 閩閩事宜

風化消修治

時珍曰以芑消於風日中消盡水氣自成煙飄白粉也或以瓷瓶盛挂簷下待

消滲出瓶外刮下收之別有甜瓜盛消滲出
刮收者或黃牯牛膽收消刮取皆非甜消也

主治上焦風熱小兒驚熱膈痰清肺解暑以人乳和

塗去眼瞼赤腫及頭面暴熱腫痛煎黃連點赤目

時珍

發明

時珍曰風化消甘緩輕浮故
治上焦心肺痰熱而不泄利

玄明粉

藥性

釋名白龍粉

時珍曰玄水之色也明瑩激也御藥院方謂之白龍粉

修治

時珍曰制法用白淨朴消十斤長流水一石煎化去滓星月下露一夜去水取消每一斗用羅

葡萄一斤切片同煮熟濾淨再露一夜取出每消一斤用甘草一兩同煎去滓再露一夜取出以大沙罐一箇桑實盛之鹽泥固濟厚半寸不蓋口置爐中以炭火十斤從文至武煨之待沸定以瓦一片蓋口仍前固濟再以十五斤頂火煨之放冷一伏時取出隔紙安地上盆覆三日出火毒研末每一斤入生甘草末一兩炙甘草末一兩和勻瓶收用

氣味辛甘冷無毒主治心熱煩躁并五臟宿滯癥結

甄權

明目退膈上虛熱消腫毒

大明

發明

景曰玄明粉沈也陰也其用有二去胃中之實熱蕩腸中之宿垢大抵用此以代盆消耳玄明

粉傳曰唐明皇帝聞終南山道士劉玄真服食多壽乃詔而問之玄真曰臣按仙經修鍊朴消號玄明粉止服此方遂無病長生其藥無滓性溫陰中有陽能除一百二十種疾生餌尚能救急難性命何況修鍊長服益精壯氣助陽證陰不拘丈夫婦人幼稚襁褓不問四時冷熱一切熱毒風冷瘧癘氣脹滿五勞七傷骨蒸傳尸頭痛煩熱五內氣塞大小腸不通三焦熱淋疰忤欬嗽嘔逆口苦舌乾咽閉塞驚悸健忘營衛不調中酒中醢飲食過度腰膝冷痛手足酸痺久冷久熱四肢壅塞背膊拘急目昏眩暈久視無力腸風痔病血癖不調婦人產后小兒疳氣陰毒傷寒表裏疫癘此藥久服令人悅澤開關健脾駐顏明目

輕身延壽功效不可具載但用一兩分為十二服臨時酌量加減似覺壅熱傷寒頭痛鼻塞四肢不舉飲食不下煩悶氣脹須通瀉求安者即看年紀高下用藥二錢半或半兩以菟花煎湯下為使最上次用葱湯下如未通以沸湯投之即效或食諸魚鱉菜飲食諸毒藥用葱白湯調服二錢毒物立泄下若女人身懷六甲長服安胎生子亦無瘡腫疾病若要微暢不閉塞但長服之稍稍得力朝服夕應不搜刮人五臟怡怡自泰其藥初服時每日空腹酒飲茶湯任下二錢七良久更下三錢七七日內常微泄利黃黑水涎沫等此是搜淘諸疾根本出去勿用畏之七日後漸知腹內暖稍食下氣長服除故養新氣血日安用大麻子湯下為使惟忌苦參詳見太陰經中好古曰玄明粉治陰毒一切非伏陽在內不可用若用治真陰毒殺人甚速震亨曰玄明粉火熒而成其性當溫曰長服久服輕身固胎駐顏益壽大能補益宜理也哉

予親見一二朋友不信予言而亡故書以為戒時珍
曰神農本草言朴消鍊餌服之輕身神仙蓋方士竄
入之言後人因此制為玄明粉煨煉多偏佐以甘草
去其鹹寒之毒遇有三焦腸胃實熱積滯少年氣壯
者量與服之亦有速効若脾胃虛冷
及陰虛火動者服之是違其咎矣

附方

新三

熱厥氣痛

玄明粉三錢熱童
尿調下集簡方

傷寒發狂

玄明粉二

錢朱砂一錢末之冷
水服傷寒蘊要

鼻血不止

玄明粉二錢
水服聖濟

消石

本經
上品

釋名

芒消

別錄

苦消

甄權

煖消

土宿

火消

綱目

地霜

蜀本

生消

宋本

北帝玄珠

志曰以其消化諸石故名消石初煎鍊時
有細芒而狀若朴消故有芒消之號不與

朴消及別錄芒消同類宗與曰消石是再煎煉時取
去芒消凝結在下者精英既去但餘滓如石而已入
藥功力亦緩惟能發烟火權曰芒消一作苦消言其
味苦也時珍曰消石丹爐家用制五金入石銀工家
用化金銀兵家用作烽燧火藥得火即焰起故有諸
名狐剛子鍊粉圖謂之北帝玄珠間寶本草重出生
消芒消今併為
一並詳下文

集解

別錄曰消石生益州山谷及武都隴西西羌采
無時弘景曰消石療病與朴消相似仙經用此

消化諸石今無真識此者或云與朴消同山所以朴
消一名消石朴也又云一名芒消今芒消乃是煉朴
消作之並未盡研其驗有人得一種物色與朴消大
同小異舐舐如握鹽雪以火燒之紫青烟起云是真
消石也今宕昌以北諸山有鹹土處皆有之志曰此
即地霜也所在山澤冬月地上有霜掃取以水淋汁

後乃煎煉而成狀如釵脚好者長五分以來陶說多
端蓋由不的識之故也又曰生消石茂州西山岩石
間形塊大小不定色青白采無時時珍曰生消石諸
函地皆產之而河北慶陽諸縣及蜀中尤多秋冬間
遍地生白掃取煎煉而成貨者苟且多不潔淨須再
以水煎化傾盆中一夜結成澄在下者狀如朴消又
名生消謂鍊過生出之消也結在上者或有鋒芒如
芒消或有圭稜如馬牙消故消石亦有芒消牙消之
名與朴消之芒牙同稱而水火之性則異也崔昉外
丹本草云消石陰石也此非石類乃鹹鹵煎成今呼
焰消河北商城及懷衛界沿河人家刮鹵淋汁煉就
與朴消小異南地不產也丹玄子伏永圖云消石生
烏場國其色青白用白石英炙熱煎上便消入石中
者為真其石出處氣極穢惡飛鳥不能過其上人或
單衣過之身上諸蟲悉化為水能消金石為水服之
長生以形若鷲管者佳謹按丹玄子所說似與今之

消石不同而姚寬西溪叢話以其說為真正消石豈外國所產與中國異耶抑別一種耶當俟博物者訂正

正誤

私景曰神農本草經無芒消只有消石一名芒消名醫別錄乃出芒消療與消石同疑即消石也

舊出寧州黃白粒大味極辛苦令醫家多用煑煉作色者全白粒細而味不甚烈皇甫士安言無朴消可用消石消石生山之陰鹽之膽也取石脾與消石以水煮之一斛得三斗正白如雪以水投中即消故名消石其味苦無毒主消渴熱中止煩滿三月采於赤山朴消者亦生山之陰有鹽鹹苦之水則朴消生於其陽其味苦無毒其色黃白主療熱腹中飽脹養胃消穀去邪氣亦得水而消其療與消石小異按如此說是取芒消合煮更成為真消石但不知石脾是何物也以朴消作芒消者用煑湯淋汁煮之若木盆中

經宿即成矣今益州人復鍊礬石作消石絕柔白而
味猶是礬爾又曰朴消今出益州北部汶山郡西川
蠶陵二縣界生山崖工色多青白亦雜黑斑土人擇
取白軟者以當消石用之當燒令汗沸出狀如礬石
也藏器曰石脾芒消消石並出西戎鹵地鹹水結成
恭曰朴消有縱理縷理二種用之無別其白軟者朴
消苗也虛軟少力錄為消石所得不多以當消石功
力大劣也又曰消石即是芒消朴消一名消石朴今
煉粗惡朴消取汁煎作芒消即是消石別錄復出芒
消誤矣晉宋古方多用消石少用芒消近代諸醫但
用芒消豈言消石理既明白不合重出頃曰舊說謂
朴消芒消消石三物同種初采得苗以水淋汁煎成
者為朴消一名消石朴又煉朴消或地霜而成堅白
如石者為消石一名芒消又取朴消淋汁煉煎結成
有細芒者為芒消雖一體異名而修煉之法既殊則
主治之功亦別然本經所載疑是二種今醫方所用

亦不能究但以未煉成塊微青色者為朴消煉成盆
中有芒者為芒消亦謂之盆消芒消之底澄凝者為
消石朴消力緊芒消次之消石更緩未知孰是蘇恭
言晉宋古方多用消石少用芒消按張仲景傷寒論
承氣陷胸皆用芒消葛洪肘后方傷寒時氣亦多用
芒消惟治食膾不化云無朴消用芒消代之是晉宋
以前通用朴消芒消矣胡洽方十棗湯用芒消大五
飲丸用消石並云無消石用芒消是梁隋間通用芒
消消石矣以此言之朴消消石為精芒消為粗故陶
氏引皇甫士安之言為證是消石當時已難得其真
故方書通以相代矣又古方金石凌法用朴消消石
芒消馬牙消四種相參次第下之方出唐世不知當
時如何分別也又南方醫人著消說云本草有朴消
消石芒消而無馬牙消諸家所注三種竟無斷決或
言芒消消石是一物不合重出或言煎煉朴消經宿
盆中有細芒為芒消或言馬牙消自是一物今諸消

之體各異理亦易明而惑乃如此朴消味苦而微鹹
出蜀郡者瑩白如冰雪內地者小黑皆蘇脆易碎風
吹之則結霜泯泯如粉熬之烺沸亦可鑿鑄以水合
甘草猪膽煮至減半投大盆中又下凝水石屑同漬
一宿則凝結如白石英者芒消也掃地霜煎煉而成
試竹上如解鹽而味辛苦燒之成烟都盡者消石也
能消金石又性畏火而能制諸石使拒火亦天地之
神物也牙消即是芒消也又有生消不因煑煉而成
亦出蜀道類朴消而小堅也其論雖辨然與古人所
說殊別亦未可全信也好古曰消石者消之總名也
但不經火者謂之生消朴消經火者謂之芒消益消
時珍曰諸消自晉唐以來諸家皆執名而猜都無定
見惟馬志開寶本草以消石為地霜煉成而芒消馬
牙消是朴消煉出者一言足破諸家之惑矣諸家蓋
因消石一名芒消朴消一名消石朴之名相混遂致
費辨不決而不知消有水火二種形質雖同性氣迥

別也惟神農本經朴消消石二條為正其別錄芒消
嘉祐馬牙消開寶生消俱係多出今並歸併之神農
所列朴消即水消也有二種煎煉結出細芒者為芒
消結出馬牙者為牙消其凝底成塊者通為朴消其
氣味皆鹹而寒神農所列消石即火消也亦有二種
煎煉結出細芒者亦名芒消結出馬牙者亦名牙消
又名生消其凝底成塊者通為消石其氣味皆辛苦
而大溫二消皆有芒消牙消之稱故古方有相代之
說自唐宋以下所用芒消牙消皆是水消也南醫所
辨雖明而以凝水石猪膽煎成者為芒消則誤矣今
通正其誤其石脾一名消石者
造成假消石也見後石脾下

修治

大明曰真消石柳枝湯煎三周時如湯少即加
熱者伏火即止數日凡使消石先研如粉用雞

腸菜柏子仁共二十五箇和作一處九如小帝珠子
以瓷瓶子於五斤火中煨赤投消石四兩于瓶內連

投藥九入瓶自然伏火也抱朴子曰能消柔五金化
七十二石為水制之須用地蓮子猪牙皂角苦參南
星巴豆漢防己晚蠶砂時珍
曰溶化投甘草入內即伏火

消石氣味苦寒無毒

別錄曰辛大寒無毒善曰神農
苦扁鵲甘推曰鹹有小毒時珍

曰辛苦微鹹有小毒陰中之陽也得陳皮性疎爽
之才曰火為之使惡苦參苦菜畏女苑杏仁竹葉

主治五臟積熱胃脹閉滌去蓄結飲食推陳致新除

邪氣煉之如膏久服輕身

本經

療五臟十二經脈中百

二十疾暴傷寒腹中大熱止煩滿消渴利小便及瘦
蝕瘡天地至神之物能化七十二種石

別錄

破積散堅

治腹脹破血下痢癰瀉得根出

甄權

含漱治喉閉

大明

治

伏暑傷冷霍亂吐利五腫淋疾女勞黑疸心腸疔痛

赤眼頭痛牙痛

時珍

生消氣味苦大寒無毒

時珍曰辛苦大溫無毒

主治風熱癩癩小兒驚邪癰瘕風眩頭痛肺壅耳聾

口瘡喉痺咽塞牙頰腫痛目赤熱多眵淚

開寶

發明

土宿真君曰消石感海國之氣所產乃天地至神之物能寒能熱能滑能瀉能辛能苦能酸能

鹹入地千年其色不變七十二石化而為水制服草木柔潤五金制煉八石雖大丹亦不捨此也時珍曰

土宿所說乃消石神化之妙別錄列於朴消之下誤
矣朴消屬水味鹹而氣寒其性下走不能上升陰中
之陰也故惟蕩滌腸胃積滯折治三焦邪火消石屬
火味辛帶苦微鹹而氣大溫其性上升水中之火也
故能破積散堅治諸熱病升散三焦火鬱調和臟腑
虛寒與硫黃同用則配類二氣均調陰陽有升降水
火之功治冷熱緩急之病煨制礞石則除積滯痰飲
蓋硫黃之性煖而利其性下行消石之性煖而散其
性上行礞石之性寒而下消石之性煖而上一升一
降一陰一陽此制方之妙也今兵家造烽火銃機等
物用消石者直入雲漢其性升可知矣雷公炮炙論
序云腦痛欲死鼻投消末是亦取其上升辛散乃從
治之義本經言其寒別錄言其大寒正與龍腦性寒
之誤相似凡辛苦物未有大寒者况此物得火則煖
生與樟腦火酒之性同安有性寒大寒之理哉史記
倉公傳云菑川王美人懷子不乳來召淳于意意往

飲以芫蕘藥一撮以酒飲之旋乳意復膠其脈躁者有餘病即飲以消石一劑出血如豆比五六枚而安此去自結之驗也

附方

新十頭痛欲死

消石末吹鼻內即愈 炮灸論 諸心腹痛 雄黃

各一錢研細末每點少許入 腰腹諸痛 方同 赤眼腫

痛

皆至旦以鹽水洗去之 聖惠方 眼目障翳 男女

內外障翳或三五箇月不見効者一點復明好焰消一兩銅器鎔化入飛過黃丹二分片腦二分銅匙急

抄入鏤內收之每點少許其効如神兗州朱秀才忽不見物朝夕拜天因夢神傳此方點之而愈 張三

方 丰仙 風熱喉痺 及纏喉風病玉鑰匙用焰消一兩半 白殭蠶一錢 硃砂半兩 腦子一字 為

末吹之
三因方

重舌鵝口

竹瀝同焯消
普濟

伏暑瀉痢

及腸風
下血或

酒毒下血一服見効遠年者不過三服消石船上硫
黃各一兩白礬滑石半兩飛麩四兩為末滴水九梧

子大每新汲水下三五

五種淋疾

勞淋血淋熱淋
氣淋石淋及小便

九名甘露丸 普濟方

不通至甚者透格散用消石一兩不夾泥土雪白者

生研為末每服二錢各依湯使勞淋勞倦虛損小便

不出小腹急痛葵子末煎湯下通後便須服補虛丸

散小便不出時下血疼痛滿急熱淋小便便熱赤色臍

下急痛並用冷水調下氣淋小腹滿急尿後常有餘

瀝木通煎湯下石淋並內痛尿不能出內引小腹膨

脹急痛尿下砂石令人悶絕將藥末先入麩內隔紙

炒至紙焦為度再研用溫水調下小便不通小麥湯

下卒患諸淋只以冷水下並空心調藥

使消如水乃服之 沈存中靈苑方 蛟龍癥病見方

雄黃發

服石發瘡

疼不可忍用紙團圍之中心填消石令滿以匙抄水淋之覺不熱消

即止 兵

發背初起

惡寒啞啞或已生瘡腫隱疹消石三兩暖水一升泡化青布摺

三重溫搨赤處熱即換
頻易取瘡 外臺秘要

女勞黑疸

仲景曰黃家口暈發熱及惡寒此為

女勞得之膀胱急少腹滿身盡黃額上黑足下熱因作黑疸腹脹如水大便黑時溇非水也腹滿者難治

消石礬石燒等分為末以大麥淘汁和服方寸匕日三病隨大小便去小便黃大便黑是其候也 金匱

手足不遂

大風及丹石熱風不遂用消石一兩生烏麻油二斤置鑊中以土壑蓋口紙泥固濟

火煎初時氣腥熟則氣香更以生麻油二升合煎得所收不津器中服時坐室中重作小紙屋然火於內

服一大合發汗力壯者日二服三七日頭面
疱瘡皆滅也然必以大為使 波羅門僧方

硃砂

硃音硃
唐本草

釋名 硃砂

硃音

狄鹽

華日

北庭砂

聲四

氣砂

經圖

透骨將軍

宿土

時珍曰硃砂性毒服之使人硃亂故曰硃砂狄人
以當鹽食土宿本草云硃性透物五金藉之以為先鋒
故號為透骨將軍炳曰生北
庭者為工人呼為北庭砂

解集

恭曰硃砂出西戎形如牙消光淨者良頌曰今
西涼夏國及河東陝西近邊州郡亦有之然西

戎來者顆塊光明大者有如拳重三五兩小者如指
面入藥最緊邊界出者雜碎如麻豆粒又夾砂石用
之須水飛澄去土石訖亦無力彼人謂之氣砂時珍
曰硃砂亦消石之類乃鹵液所結出于青海與月華
相射而生附鹽而成質比人採取淋鍊而成狀如鹽
塊以白淨者為良其性至透用點鐵盛懸火上則常

乾或加乾薑同收亦良若近冷及得濕即化為水或
滲失也一統志云臨洮蘭縣有洞出礪砂張匡鄴行
程記云高昌北庭山中常有烟氣涌起而無雲霧至
夕光焰若炬火照見禽鼠皆赤色謂之火焰山采礪
砂者乘木履取之若皮底即
焦矣北庭即今西域火州也

修治

宗奭曰凡用須水飛過去塵穢入瓷器中重湯
煮乾則殺其毒時珍曰今時人多用水飛淨醋

煮乾如霜
刮下用之

氣味鹹苦辛溫有毒

恭曰不宜多服柔金銀可為錫
藥權曰酸鹹有大毒能消五金

八石腐壞入腸胃生食之化人心為血中其毒者生
綠豆研汁飲一二升解之畏漿水忌羊血大明曰辛
酸暖無毒畏一切酸凡修治用黃丹石灰作櫃煅赤
使用並無毒世人自疑爛肉而人被刀必所傷以之

卷傳當時生痲藏器曰其性大熱服之有暴熱損髮
云溫者誤也抱朴子曰伏硃藥甚多牡蠣海蝶蛸晚
蠶砂羊鬮骨河豚魚膠魚腥草蘿蔔獨帚菴柏羊蹄
商陸冬瓜羊躑躅蒼耳烏梅散曰硃遇赤鬚汞留金
鼎

主治積聚破結血止痛下氣療欬宿冷去惡肉生

好肌爛胎亦入驢馬藥用

唐本

主婦人丈夫羸瘦積病

血氣不調腸鳴飲食不消腰脚痛冷瘕癖痰飲喉中

結氣反胃吐水令人能食肥健

藏器

除冷病大益陽事

甄權 補水臍煖子宮消瘀血宿食不消食肉飽脹夜多

小便丈夫腰膀酸重四肢不任婦人血氣疼痛氣塊

瘰癧及血崩帶下惡瘡息肉傳金瘡生肉大去目醫

弩肉宗消內積好治噎膈癥瘕積痢骨哽除痣癩疣

贅時

發明藏器曰一飛為酸砂二飛為伏翼三飛為定精

此藥近出唐世而方書若古人單服一味伏火作九
子亦有兼硫黃馬牙消葷合珥者不知方出何時殊
非古法此物本攻積聚熱而有毒多服腐壞人腸胃
生用又能化人心為血固非平居可餌者而西土人
用淹肉炙以當鹽食之無害蓋積習之久自不毒也
宗奭曰金銀有偽投硃砂錫中偽物盡消化况人腹

中有久積豈不腐潰元素曰硃砂破堅癖不可獨用
須入犀隊藥中用之時珍曰硃砂大熱有毒之物噎
膈反胃積塊肉癥之病用之則有神功蓋此疾皆起
於七情飲食所致痰氣鬱結遂成有形妨礙道路吐
食痛脹非此物化消豈能去之其性善爛金銀銅錫
危人煮硬肉入硃砂少許即爛可以類推矣所謂化
人心為血者亦甚言其不可多服爾張果玉洞要訣
云北庭砂象陰石之氣含陽毒之精能化五金八石
去穢益陽其功甚著力並硫黃獨孤滔丹房鑑源云
硃砂性有大毒為五金之賊有沈冷之疾則可服之
疾減便止多服則成擁塞癰腫二說甚明而唐宋醫
方乃有單服之法蓋欲得其助陽以縱欲而不虞其
損陰以發禍也其方唐慎微已收附
本草後今亦存之以備考者知警

附方

二十四新

服食法

硃砂丸硃砂不計多少入錫子
內上面更坐錫子一箇紙筋白

土上下通泥了晒乾上面罐子內盛水以蒼耳乾葉
為末鋪頭蓋底以火燒之火盡旋添火水盡旋添水
從辰初起至戌一伏時住火勿動次日取出研米醋
麪糊和九梧子大每服四五丸溫酒或米飲下並無
忌久服進食無元臟虛冷氣攻臍腹痛用硃砂一
痰經驗方西以織霞草末二兩和勻
用小砂罐不固濟慢火燒赤乃入硃在罐內不蓋口
加頂火一秤待火盡爐寒取出用川烏頭去皮臍生
研末二兩和勻湯浸蒸餅九梧子大每服
三丸木香湯醋湯任下日一服陳吳方腎臟積冷
氣攻心腹疼痛面青足冷硃砂二兩堯仁一兩去皮
酒一小盞煎硃十餘沸去砂石入堯仁泥旋旋煎成
膏蒸餅和九梧子大每熟積年氣塊臍腹痛疼硃砂
酒下二十九聖惠方醋煮二兩木瓜
三枚切須去瓢入硃在內盪盛於日中晒至瓜爛研
勻以米醋五升煎如稀餲密收用時旋以附子末和

九梧子大熱酒化
下一九 聖惠方 疰癧癧塊 水臟殺三蟲婦人血氣

子宮冷臘月收桑條灰淋去苦汁日乾每碗砂一兩
用水三兩以水化碗拌灰乾濕得所以瓶盛灰半寸
入碗於內以及填蓋固濟文武火煨赤冷定取出研
以其鋪紙三重安藥於上以熱水淋之直待碗味盡
即止以鉢盛汁於熱灰火中養之常令魚眼沸待汁
乾入瓶再煨一食頃取出重研以粟飯和九練豆大
每空心酒下五九病 鄧才清興用北庭砂
去即止 聖惠方 噎膈反胃 二錢水和蕎麥麩色
之煨焦待冷取中間濕者焙乾一錢入欖榔二錢丁
香二箇研勻每服七厘燒酒送下日三服愈即止後
喫白粥半月仍服助胃丸藥 孫天仁集效方用北
庭砂二兩一兩用人言末一兩同入罐內文武火升
三炷香取出燈蓋上末一兩以黃丹末一兩同入罐
內如上述法升過取末用桑灰霜一兩研勻每服三分

燒酒下愈即止 又方平胃散各一錢入硃砂生薑各五分為末沸湯煎服二錢當吐出黑物如石屢驗

一切積痢

靈砂丹用硃砂各二錢半為末用黃蠟半兩已豆仁三七粒去膜同入石器內

重湯煮一伏時候豆紫色為度去二七粒止將一七粒同二砂研勻溶蠟和收每旋九綠豆大或三九五

九淡薑湯下

月水不通

臍腹積聚疼痛硃砂一兩皂角五挺去皮子剉為末以頭

本事方

醋一大盞熬膏入陳橘皮末三兩搗三百杵九梧子大每溫酒下五九

死胎不下

硃砂當歸各半兩為末分作二服溫酒調下如人行五里再一服 瑞竹草方 喉痺口噤 砂

馬牙消等分研勻 懸癰卒腫 硃砂半兩綿裹含之 煎津即安 聖惠方 牙

齒腫痛

老鼠一箇去皮以硃砂淹擦三日肉爛化盡取骨尾上焙乾為末入樟腦一錢蟾酥二分

每以少許點牙根上
立止 孫氏集效方 偏頭風痛 硃砂末一分搗九皂子大

綿色露出一頭隨左右
內鼻中立効 聖惠方 損目生瘵 赤肉弩出不退否

尖研瀉取淨汁入硃砂末一錢水
煖化日煎一二次自落 普濟方 鼻中息肉 硃砂點

霞方 白飛 鼻中毛出 晝夜可長一二尺漸漸粗圓如繩

血過多致用生乳香硃砂各一兩為末飯九梧子大
每空心臨臥各服十九水下自然退落 夏子益奇

疾 魚骨哽咽 硃砂少許嚼嚥立 蚰蜒入耳 硃砂膽礬

每吹一字 蛭化 割甲侵肉 久不瘥硃砂礬石為末裹

為水 聖濟錄 代指腫痛 唾和白硃砂以

八內一日瘥
千金方

面上疣目

研砂礪砂礪鐵鏽麝香等分
研搽三次自落
集效方

疔

瘡腫毒

好礪砂雄黃等分研以銀篦刺破瘡口擠去
惡血安藥一豆入內抵花貼住即効毒氣入

腹嘔吐者服護心
散 瑞竹堂方

疝氣卵腫

脹痛不可忍念珠丸用
硃砂乳香各二錢黃蠟

一兩研溶和九分作一百單八九以綿縫露一夜次
日取出蛤粉為衣每用一丸乳香湯吞下日二服取

效本
事方

諸勞久嗽

方見歌
部下

張實之曰原本硃字昏
作礪从勺悞今改从口

蓬砂

日華

釋名礪砂

日華

盆砂

時珍曰名義未解一作礪砂或云
鍊出盆中結成謂之盆砂如盆消

之義也

集解

頌曰礪砂出南海其狀甚光瑩亦有極大塊者諸方稀用可錐金銀宗與曰南畚者色重褐其

味和入藥其効速西戎者其色白其味焦入藥其功煖時珍曰礪砂生西南畚有黃白二種西者白如明礪南者黃如桃膠皆是煉結成如礪砂之類西者柔物去垢殺五金與消石同功用與礪石相得者也

氣味苦辛暖無毒

頌曰溫平時珍曰甘微鹹涼無毒獨孤滔曰制汞啞銅結砂于土宿

真君曰知母爲不食草瑩蓋紫蘇甌帶何首烏皆能伏礪砂同礪石煨過有變化

主治消痰止咳破癥結喉痺大上焦痰熱生津液去

口氣消障醫除噎膈反胃積塊結瘀肉陰癩骨哽惡

瘡及口齒諸病

時珍

發明

頤曰今醫家用硼砂治咽喉最為要切宗輿曰含化嚙津治喉中腫痛膈上痰熱初覺便治不

能成喉痺亦緩取效可也時珍曰硼砂味甘微鹹而氣涼色白而質輕故能去胸膈上焦之熱素問云熱淫於內治以鹹寒以甘暖之是也其性能柔五金而去垢膩故治噎膈積聚骨哽結核惡肉陰癢用之者取其柔物也治痰熱眼目障翳用之者取其去垢也洪邁夷堅志云鄱陽汪反良因食誤吞一骨哽于咽中百計不下恍惚夢一朱衣人曰惟南蓬砂最妙遂取一塊含化嚙汁脫然而失此軟堅之徵也日華言其苦辛暖誦矣

附方

新十

鼻血不止

硼砂一錢水服

立止

集簡方

勞瘵有蟲

硼砂

兔屎等分為末蜜丸梧子大每服七九生甘草一分新水一鍾搽汁送下白胡至望五更時令病人勿言

服之 乾
坤秘 乾
木舌腫強 少時即消 生薑片 煎 噤 喉 穀 賊

腫痛 蓬砂 牙消 等分 為末 咽 喉 腫 痛 破 棺 丹 用 蓬 砂
塞和半錢 含 喉 直 指 方 白 梅 等 分 搗 丸

茨子 大 每 噙 化 喉 痺 牙 疳 之 益 砂 末 吹 並 擦 骨 哽 在 咽
一 九 經 驗 方 集 簡 方

方見 小兒陰瘡 腫大 不消 硼砂 一 分 水 研 飲 酒 不 醉
發 明 塗 之 大 有 效 集 玄 方

先服 益砂 二 錢 飲 食 毒 物 油 一 斤 瓶 內 浸 之 遇 有 毒
妙 相 感 志 硼 砂 四 兩 甘 草 四 兩 真 香

者 服 油 一 小 盞 久 浸 尤 一 切 惡 瘡 方 同 弩 肉 瘰 突 南
佳 瑞 竹 堂 經 驗 方 上 鵬

砂 黃 色 者 一 錢 片 腦 少 許 研 末 燈 草 蘸 點 之 直 指 方

附錄持蓬殺 拾遺 葳 器 曰 味 苦 寒 無 毒 主 折 傷 內 損
瘰 血 煩 悶 欲 死 者 酒 消 服 之 南 人 毒 箭

中人及深山大峽傷人連將病者頂上十字筋之出血水藥末傅之并傳傷處當上下出黃水數升則悶解俚人重之以竹筒盛帶于腰以防毒箭亦主惡瘡熱毒癰腫赤白遊風癩蝨等瘡並水和傅之出賀州山內石上似碎石礪砂之類

石硫黃

本經中品

釋名硫黃

吳普

黃礪砂

藥性

黃牙

陽侯

綱目

將軍

時珍曰硫黃純

陽火石之精氣而結成性質通疏色賦中黃故名硫黃舍其猛毒為七十二石之將故藥品中號為將軍外家謂之陽侯亦曰黃牙又曰黃礪砂

集解

別錄曰石硫黃生東海牧羊山谷中及大行河西山礪石液也普曰或生易陽或生河西或五

色黃是潘水石液也燒金有紫焰八月九月采弘景
曰東海郡屬北徐州而其山亦有今第一出湖南林
邑色如鶯子初出殼者名崑崙黃次出外國從蜀中
來色深而煌煌此云礬石液今南方則無礬石恐不
必爾陶曰廣州記云生崑崙國及波斯國西方明之
境顆塊瑩淨不夾石者良蜀中雅州亦出之先臈甚
好功力不及舶上來者頌曰今惟出南海諸番嶺外
州郡或有而不甚佳鶯黃者名崑崙黃赤色者名石
亭脂青色者名冬結石半白半黑者名神驚石並不
堪入藥又有一種水硫黃出廣南及資州溪澗水中
流出以茅收取熬出號真珠黃氣腥臭止入瘡藥亦
可煎煉成汁以模寫作器亦如鶯子黃色時珍曰凡
產石硫黃之處必有溫泉作硫黃氣魏書云盤盤國
有大山山旁皆焦溶流數十里乃凝堅即石硫黃也
張華博物志云西域硫黃出且彌山去高昌八百里
有山高數十丈晝則孔中狀如煙夜則如燈光庚辛

五冊云硫黃有二種石硫黃生南海琉球山中土硫黃生於廣南以嚼之無聲者為佳舶上倭硫黃亦佳今人用配消石作烽燧烟火為軍中要物

修治

者自有黃色內瑩淨似物命者貴也凡用四兩

先以龍尾蒿自然汁一鎰東流水三鎰紫背天葵汁一鎰粟逐子莖汁四件合之攪令勻入坩鍋內用六乙泥固濟底下將硫黃碎之入鍋中以前汁旋旋添入火煮汁盡為度再以百部末十兩柳柳末二斤一簇草二斤細剉以東流水同硫黃煮二伏時取出去諸藥用熟甘草湯洗了入鉢研二萬匝用時珍曰凡用硫黃入丸散用須以蘿蔔剉空入硫在內合定稻糠火煨熟去其臭氣以紫背浮萍同煮過消其火毒以皂荚湯淘之去其黑漿一法打碎以絹袋盛用無灰酒煮三伏時用又消石能化硫為水以竹筒盛硫

埋馬糞中一月亦
成水名硫黃液

氣味酸溫有毒

別錄曰大熱普曰神農黃帝雷公鹹
有毒醫和扁鵲苦無毒權曰有大毒

以黑錫煎湯解之及食冷猪血洵曰人能制伏歸本
色服之能除百病如有發動宜猪肉鴨羹餘甘子湯
並解之葛洪曰四黃惟陽侯為尊金石煨煉者不可
用惟草木制伏者堪入藥用桑灰益母紫荷波稜天
鹽桑白皮地骨皮車前馬鞭草黃蘗何首烏石葦蒿
麥獨帚地榆蛇林兔絲菴麻蘇砂或灰或汁皆可伏
之之才曰曾青為之使畏細辛飛廉朴消鐵醋玄壽
先生曰硫是礬之液礬是鐵之精慈石是鐵之母故
鐵砂慈石制入硫黃立成紫粉獨狐涵曰
硫能乾汞見五金而黑得水銀則色赤也

主治婦人陰蝕疽痔惡血堅筋骨除頭禿能化金銀

銅鐵奇物

本經

療心腹積聚邪氣冷癖在脇欬逆上氣

脚冷疼弱無力及鼻衄惡瘡下部蠶瘡止血殺疥虫

別錄治婦人血結

吳普

下氣治腰腎久冷除冷風頑痺寒

熱生用治疥癬鍊服主虛損泄精

甄權

壯陽道補筋骨

勞損風勞氣止嗽殺臟蟲邪魅

大明

長肌膚益氣力老

人風秘並宜鍊服

李珣

主虛寒久痢滑泄霍亂補命門

不足陽氣暴絕陰毒傷寒小兒慢驚

時珍

發明

弘景曰俗方用治脚弱及癩冷甚效仙經頗用之所化奇物並是黃白術及合丹法頌曰古方

未有服餌硫黃者本經所用止於治瘡蝕攻積聚冷
氣脚弱等而近世遂火煉治為常服九散觀其治煉
服食之法殊無本源非若乳石之有論議節度故服
之其效雖繁而其患更速可不戒之士硫黃早熱腥
臭止可治疥殺蟲不可服宗奭曰今人治下元虛冷
元氣將絕久患寒泄脾胃虛弱無命欲盡服之無不
效中病當便已不可盡劑世人蓋知用而為福而不
知其為禍此物損益兼行故也如病熱危急可加九
數服少則不効仍加附子乾薑桂好古曰如太白丹
來復丹皆用硫黃佐以消石至陽佐以至陰與仲景
白通湯佐以人尿豬膽汁大愈相同所以治內傷生
冷外胃暑熱霍亂諸病能去格拒之寒兼有伏陽不
得不爾如無伏陽只是陰虛更不必以陰藥佐之何
也硫黃亦號將軍功能破邪歸正返滯還清挺出陽
精消陰化魄時珍曰硫黃秉純陽之精賦大熱之性
能補命門真火不足且其性雖熱而疎利大腸又與

踈瀆者不同蓋亦救危妙藥也但煉制久服則有偏勝之官况服食者又皆假此縱欲自速其咎於藥何責馬按孫升該圖云硫黃神仙藥也每歲三伏日餽百粒去臟腑積滯有驗但硫黃伏生於石下陽氣溶液凝結而就其性大熱火煉服之多發背疽方勺泊宅編云金液丹乃硫黃煉成純陽之物有痼冷者所宜令夏至人多服之反為大患韓退之作文戒服食而晚年服硫黃而死可不戒乎夏英公有冷病服硫黃鍾乳莫之紀極竟以壽終此其稟受與人異也洪邁夷堅志云唐與正亦知醫能以意治疾吳巡檢病不得洩臥則徹通立則不能涓滴適用通利藥不效唐問其平日自制黑錫丹常服因悟曰此必結砂時硫飛去鉛不死鉛砂入膀胱臥則偏重猶可洩立則正塞水道故不通取金液丹三百粒分為十服煎瞿麥湯下鉛得硫氣則化累累水道下病遂愈硫之化鉛載在經方苟無變通豈能臻妙類編云仁和縣一

史早衰齒落不已一道人令以生硫黃入猪臟中煮
熟搗丸或入蒸餅九梧子大隨意服之飲啖倍常步
履輕捷年踰九十猶康健後醉牛血遂洞泄如金水
疋悴而死內醫官管範云猪肪能制硫黃此用猪臟
尤妙王樞使
亦常服之

附方

舊八新
四十一

硫黃盃

此盃配合造化調理陰陽奪天
地冲和之氣乃水火既濟之方

不冷不熱不緩不急有延年却老之功脫胎換骨之
妙大能清上實下升降陰陽通九竅殺九蟲除夢泄
悅容顏解頭風開胸膈化痰涎明目潤肌膚添精
髓蠲疝陸又治婦人血海枯寒赤白帶下其法用瓷
益以胡桃擦過用無砂石硫黃生溶成汁入明礬少
許則塵垢悉浮以杖掠去絲濾過再入益溶化傾入
盃內盪成盃取出埋土中一夜木賊打光用之欲紅
入硃砂欲青則入葡萄研勻同煮成每用熱酒二盃

清早空心溫服則百病皆除無出此方也

紫霞盃

葉石林水雲錄云用硫黃袋盛懸瓶內以紫背

浮萍同水煮之數十沸取出候乾研末十兩用珍珠琥珀乳香雄黃硃砂羊起石赤石脂片腦紫粉白芷甘松三奈木香血竭沒藥韶腦安忽香各一錢麝香七分金薄二十片為末入銅杓中慢火溶化以好棧酒盃一箇周圍以粉紙色裏中開一孔傾硫入內旋轉令勻投冷水中取出每旦盛酒飲二三盃功同上

方昔中書劉景輝因遵勞瘁於大白山中遇一老仙親授是方服之果愈人能清心寡欲而服此仙緣可到也

金液丹

固真氣暖丹田堅筋骨壯陽道除久寒痼冷補勞傷虛損治男子腰腎久冷心腹積聚脇下冷痛腹中諸虫夫精遺尿形羸力劣腰膝痛弱冷風頑痺上氣衄血欬逆寒熱霍亂轉筋虛滑下利又治痔瘻濕蟲生瘡下血不止及婦人血結寒熱陰蝕疽痔等用石硫黃十兩研水用瓷盒盛以水和

赤石脂封口鹽泥固濟日乾地內先埋一小罐盛水
令滿安盒在內用泥固濟慢火養七日七夜候足加
頂火一斤煨候冷取出研末每一兩用蒸餅一兩水
浸為丸如梧子大每服三十九空心米飲服又治傷寒
身冷脈微或吐或利或自汗不止或小便不禁
併宜服之得身熱脈出為度 患民和劑局方 煖益

腰膝

王方平通靈玉粉散治青膝煖水臟益顏色其
功不可具載硫磺半斤桑柴灰五斗淋取汁煮

三伏時以鐵匙抄于火上試之伏火即止候乾以大
火煨之如未伏更堵以伏為度煨了研末穿地坑一
尺二寸投水於中待水清取和硫末坩內煎如膏
鐵鏡抄出細研飯丸麻子大每空心鹽湯下十九極
有效驗鄉人王昭遂服之年九十顏貌
如童子力倍常人 杜光庭玉函方 風毒脚氣 痺
疏黃末三兩鍾乳五升堵沸入水煎至三升每服三
合 又法牛乳三升煎一升半以五合調硫黃末一

兩服厚蓋取汗勿見風未汗再服將息調理數日
更服北人用此多效亦可煎為丸服 肘后方 陰

證傷寒

極冷厥逆煩躁腹痛無脈危極甚者船上硫
黃為末艾湯服三錢就得睡汗出而愈 本

事陰陽二毒

黑龍丹用船上硫黃一兩柳木槌研二
三日巴豆一兩和殼計箇數用三升

子一口將硫鋪底安豆於上以礮米醋半斤澆之蓋
子緊合定醋紙固縫頻以醋潤之文武火熬候豆作
聲可一半為度急將鑊子離火即便入臼中搗細再
以醋和茶脚洗鑊中藥入臼旋下蒸餅搗丸雞頭子
大若是陰毒用椒四十九粒葱白二莖水一盞煎六
分熱吞下一丸陽毒用豆豉四十九粒葱白一莖水
一盞煎同前吞下不得嚼破經五六日方可服之若
未傳入或未及日數不可服有孕婦人吐瀉亦可服
博濟方一切冷氣積塊作痛硫黃煇消各四兩結砂青
皮陳皮各四兩為末糊丸梧子大每

空心米飲下三元臟久冷腹痛虛泄裏急五粉丹用

十九 鮫氏方 研以蒸餅九綠豆大每服五九空元臟冷泄極痛虛

心熱酒下以食壓之 一兩黃蠟化九梧子大每服五九新汲水下氣虛暴

一加青鹽二錢蒸餅和九酒下 普濟方 泄 日夜三二十行腹痛不止夏月路行備急最妙朝

真丹用硫黃二兩枯礬半兩研細水浸蒸餅九梧子大殊砂為衣每服十五丸至二十九 伏暑傷冷 二

溫水下或鹽湯任下 孫尚藥秘寶方 交錯中脫痞結或泄或嘔或霍亂厥逆二氣丹硫黃

消石等分研末石器炒成沙再研糯米糊九梧子大每服四十九新井 傷暑吐瀉 硫黃滑石等分為末每

水下 濟生方 救急 霍亂吐瀉 硫黃一兩胡椒五錢為末黃蠟一兩 聖濟

錄 小兒吐瀉

不拘冷熱驚吐反胃一切吐利諸治不效者二氣散用硫黃半兩水銀二錢半

研不見星每服一字至半錢生薑水調下其吐立止或同炒結砂為丸方見靈砂下 錢氏小兒方 反

胃嘔吐

方見水銀

脾虛下白

脾胃虛冷停水滯氣凝成白涕下出船上硫黃一兩研末

炒麩一分同研滴冷水丸梧子大 每米湯下五十九 楊子建 救命方

下痢虛寒

硫黃半兩

芎藭仁七箇為末糊丸梧子大 每服十五丸米飲下 指南方

腸風下血

方見鯽魚

老人

冷秘

風秘或泄瀉煖元臟除積冷溫脾胃進飲食治心腹一切瘡癬冷氣硫黃柳木槌研細半夏湯

七次焙研等分生薑自然汁調蒸餅和杵百下丸梧子大每服十五丸至二十九空心溫酒或薑湯下婦

人醋湯下 和劑局方

久瘡不止

鮑氏方用硫黃硃砂等分為末每服二錢臘茶清發日五

更服當日或大作或不作皆其效也寒多倍硫熱多倍砂朱氏方用硫黃臘茶等分為末發日早冷水

服二錢二服效寒酒鼈氣鼈嗜酒任氣血凝于氣則多加硫熱多加茶酒鼈氣鼈為氣鼈嗜酒瘡冷敗血

入酒則為血鼈搖頭掉尾大者如鼈小者如錢上侵人喉下蝕人肛或附脇背或隱腸腹用生硫黃末老

酒調常服之效逆打呃止硫黃燒烟喫之立頭痛頭風直指方醫方摘要

如神丹光明硫黃消石各一兩細研水腎虛頭痛聖凡灸子大空心嚼一九茶下普濟方

方用硫黃一兩胡粉為末飯九梧子大痛時冷水服五九即止本事方用硫黃末食鹽等分水調生麩

糊九梧子大每薄荷茶下五九普濟方用生硫黃六錢烏藥四錢為末蒸餅九梧子大每服三五九食

後茶清下鼻上作痛工品硫黃末冷水酒鼓赤鼻生硫黃調搭澹察方

仁二錢 輕粉一錢 夜夜搽之 瑞竹堂方 用船上硫

黃雞心 檳榔等分 片腦少許 為末 絹色日日擦之 加

更妙 鼻面紫風 乃風熱上攻 陽明經絡亦治風刺

每以黃丹少許 以津液和 身面疣目 蠟紙卷硫黃末

塗之一月見効 宣明方 有聲自去 癰瘍風病 白色成片 以布拭 醋摩硫黃附

驗 小兒聾耳 硫黃末和蠟 作挺 搽 小兒口瘡 糜爛生

調塗手心 足心効 即 耳卒聲閉 硫黃雄黃等分 研末

洗去 危氏得效方 如蛇出數寸 硫黃末一兩 日即聞

人語也 千金方 諸瘡弩肉 肉上薄之 即縮 聖惠方 癰疽

不合 石硫黃粉以筋 蘸入孔 一切惡瘡 真君妙神

中以瘡為度 外臺祕要 散用好硫

黃三兩 蕎麥粉二兩 為末 井水和 捏作小餅 日乾 收
之 臨用 細研 新汲水 調傳之 痛者 即不痛 不痛則 即

痛而愈 但 疥瘡有蟲 調搽 極効 救急良方 頑癬
仙皆効方

不愈 頤過 銀有蓋 罐子入 硫黃一兩 溶化 取起 冷
定 打開 取硫同 蓋研末 搽之 孫氏集効方 癩

風有蟲 硫黃末 酒調少 許飲汁 或加 女子陰瘡 硫黃
大風子油 更好 直指方

之瘰乃止 肘后方 玉門寬冷 洗 硫黃煎水 頻 小兒夜啼 硫黃二
錢半 鉛

丹二兩 研勻 瓶固 煨過 埋土中 七日 取出 陰濕瘡 疤
飯九黍 米大 每服二九 冷水下 普濟方

三 硫黃傳之日 梅師方

石硫赤 別錄有 名未用

釋名石亭脂

經圖

石硫丹

景弘

石流芝

集解

別錄曰理如石者生山石間普曰生羌道山谷時珍曰此即硫黃之多赤者名石亭脂而近世

通呼硫黃為石亭脂亦未考此也按抱朴子云石流丹石之赤精石硫黃之類也浸溢于涯岸之間其濡

濕者可丸服堅結者可散服五岳皆有而箕山為多許由巢父服之即石硫芝是矣

氣味苦溫無毒

主治婦人帶下止血輕身長年

別錄

壯陽除冷治瘡殺

蟲功同硫黃

時珍

附方 二 赤鼻作痛

紫色石亭脂紅色次之黃色勿用研末泠水調搽半月絕根 聖濟

錄
風濕脚氣

石亭脂生用一兩川烏頭生一兩無名
異二兩為末葱白自然汁和九梧子大

每服一錢空心淡茶生葱
吞下日一服
瑞竹堂方

石硫青

別錄有
名未用

釋名冬結石

別錄曰生武都山石間青白色故名時
珍曰此硫黃之多青色者蘇頌圖經言

石亭脂冬結石並不
堪入藥未深考此也

氣味酸溫無毒主治療洩益肝氣明目輕身長年

別錄

治瘡殺蟲功同硫黃

時珍

附錄硫黃香

拾遺藏器曰味辛溫無毒去惡氣殺蟲
似硫黃而香云出毘南國在扶南南三

十里

磬石

本經上品

校正

併入海藥波斯磬嘉祐柳絮磬

釋名涅石

綱目

羽涅

本經

羽澤

別錄

煨枯者名巴石輕白者

名柳絮磬

時珍曰磬者燔也燔石而成也山海經云女牀之山其陰處多涅石郭璞注云磬石

也楚人名涅石秦人名為羽涅

集解

別錄曰磬石生河西山谷及隴西武都石門采無時能使鐵為銅弘景曰今出益州北部西川

從河西來色青白生者名馬齒磬煉成純白名白磬蜀人以當消石其黃黑者名雞屎磬不入藥用惟堪鑊作以合熟銅投苦酒中塗鐵皆作銅色外雖銅色內質不變菘曰磬石有五種白磬多入藥用青黑二

礬療疔及瘡黃礬亦療瘡生肉兼染皮降礬本來綠色燒之乃降故名降礬頌曰礬石初生皆石也采得燒碎煎煉乃成礬也凡有五種其色各異白礬黃礬綠礬黑礬絳礬也今白礬出晉州慈州無為州入藥及染入所用甚多黃礬丹竈家所須亦入藥黑礬惟出西戎亦謂之皂礬染鬚髮藥用之亦染皮用綠礬入咽喉口齒藥及染色降礬燒之則赤今亦稀見又有礬精礬蝴蝶巴石柳絮礬皆是白礬也煉白礬時候其極沸盤心有澱溢如物飛出以鐵匕投之作虫形者礬蝴蝶也但成塊光瑩如水精者礬精也三者入藥力緊于常礬其懈煉而成輕虛如綿絮者柳絮礬其燒汁至盡色白如雪者謂之巴石狗曰波斯大秦所出白礬色白而瑩淨內有束針文入丹竈家功力逾於河西石門者近日文州諸番往往有之波斯又出金線打破內有金線文者為上多人燒煉家用時珍曰礬石折而辨之不止於五種也白礬方士謂

之白君出晉地者上青州吳中者次之潔白者雪礬
光明者為明礬亦名雲母礬文如束針狀如粉撲者
為波斯白礬並入藥為良黑礬鉛礬也出晉地其狀
如黑泥者為崑崙礬其狀如赤石脂有金星者為鐵
礬其狀如紫石英火引之成金線畫刀工即紫赤色
者為波斯紫礬並不入服餌藥惟丹竈及瘡家用之
綠礬絳礬黃礬俱見本條其雜色者則有雞屎
礬鴨屎礬雞毛礬粥礬皆下品亦入外丹家用

修治

敬曰凡使白礬石以瓷瓶盛於火中煨令內外
通赤用鉗揭起蓋旋安石蜂窠入內燒之每十

兩用巢穴兩燒盡為度取出放冷研粉以紙裏安五
寸深土坑中一宿取用又法取光明如水晶酸鹹瀉
味全者研粉以瓷瓶用六一泥泥之待乾入粉三升
在內旋旋入五方草紫背天葵各搥汁一盞待汁乾
蓋了瓶口更泥上下用火一百斤煨之從已至末去
火取出其色如銀研如輕粉用之時珍曰今人但煨

乾汁用謂之枯礬不煨者為生礬若入服食須循
度按九鼎神丹秘訣煉礬石入服食法用新桑合礬
一具於密室淨掃以火燒地令熱洒水於上或洒
酒于上乃布白礬於地上以繫覆之四面以灰攤
一日一夜其石精皆飛于槃上掃取收上未盡者更
前法數遍乃止此為礬精若欲作水即以掃下礬
一斤納三年苦酒一斗中清之號曰
礬華百日彌佳若急用之七日亦可

氣味酸寒無毒

普曰神農岐伯酸久服傷人骨扁鵲
鹹雷公酸無毒權曰番涼有小毒之

才曰甘草為之使惡牡蠣畏麻
黃獨孤酒曰紅心灰釐制礬

主治寒熱洩痢白沃陰蝕惡瘡目痛堅骨齒煉餌服

之輕身不老增年

本經

除固熱在骨髓去鼻中息肉

別錄

除風去熱消痰止渴煖水臟治中風失音和桃仁葱

湯浴可出汗大生含嚙津治急喉痺療鼻衄鼷鼻鼠

漏瘰癧疥癬甄枯礬貼嵌甲牙縫中血出如衄宗吐

下痰涎飲澀燥濕解毒追涎止血定痛食惡肉生好

肉治癧疽疔腫惡瘡癩癩疔疾通大小便口齒眼目

諸病虎犬蛇蠍百蟲傷時珍

波斯白礬海氣味酸濇溫無毒

主治赤白漏下陰蝕洩痢瘡疥解一切毒蛇蟲等去

自赤暴腫齒痛火煉之良

李珣

柳絮礬

嘉祐氣味

同礬

主治消痰止渴潤心肝

大明

發明

弘景曰俗中合藥火熬今燥以療齒痛多則壞齒即傷骨之說也而經云堅骨齒誠為可疑宗

與曰不可多服損心肺却水故也水化書紙上乾則水不能濡故知其性却水也治膈下涎藥多用者此意爾時珍曰礬石之用有四吐利風熱之痰涎取其酸苦涌泄也治諸血痛脫肛陰挺瘡瘍取其酸澇而收也治痰飲泄痢崩帶風眼取其收而燥濕也治喉痺癰疽中蠱蛇蟲傷螫取其解毒也按李迅癰疽方云凡人病癰疽發背不問老少皆宜服黃礬丸服至一兩以上無不作效最止疼痛不動臟腑活人不可

勝數用明亮白礬一兩生研以好黃蠟七錢溶化和
九梧子大每服十九漸加至二十九熟水送下如末
破則內消已破即便合如服金石發瘡者引以白礬
末一二匙溫酒調下亦三五服見効有人遍身生瘡
狀如蛇頭服此亦効諸方俱稱奇効但一日中服近
百粒則有力此藥不惟止痛生肌能防毒氣內攻護
膜止瀉托裏化膿之功甚大服至半斤尤佳不可欺
其淺近要知白礬大能解毒也今人名為蠟礬丸用
之委有
效驗

附方

舊二十六
新六十

中風痰厥

四肢不收氣閉膈塞者白
礬一兩牙皂角五錢為末

每服一錢溫水調下
吐痰為度陳師古方

胸中痰癖

頭痛不欲食礬石一
兩水二升煮一升納

蜜半合頻服須臾大吐未吐
飲少熱湯下之

外臺祕要

風痰癩病

化痰丸生白
礬一兩細茶

五錢為末煉蜜丸如梧子大一歲十九茶湯下大人
五十九久服痰自大便中出斷病根 鄧事峯惟興

小兒胎寒

每乳下一丸愈乃止最良 保幼大全 產

後不語

明氏孤鳳散用生白礬末一錢熱之調下日一婦人良方 牙關緊急 不開

巖鹽化等分搽之涎
出自開 集簡方

走馬喉痺

用生白礬末塗於
針上按於喉中立破

綿針者用榆條上以綿立
作囊大也 儒門事親方

喉癰乳蛾

濟生帳帶散用
礬三錢針銚內

溶化入劈開巴豆三粒煎乾去豆研礬用之入喉立
愈甚者以醋調灌之亦名通關散 法製烏龍膽用

白礬末盛入猪膽中風乾研
末每吹一錢入喉取涎出妙 咽喉敷賊 腫痛生礬石

處吐涎以痺為
度 聖惠方

風熱喉痛

白礬半斤研末化水新磚
一片浸透取晒又浸又晒

至水乾入糞屎中浸一月取洗安陰處
待霜出掃收每服半錢水下
普濟方 懸癰垂長

煩悶白礬燒灰鹽花等分為末筋頭
頻點在癰上去涎 孫用和秘寶方 小兒舌膜
初生

有白膜皮裏舌或過舌根可以指甲刮破令血出以
燒礬末半綠豆許傳之若不摘去其兒必死 姚和

衆至 寶方 牙齒腫痛
白礬一兩燒灰大露蜂房一兩微炙
每用二錢水煎含漱去涎 簡要濟

衆患齒碎壞
欲盡者常以綿裹礬石
含嚼吐去汁 肘后方 齒斷血出
不止

一兩燒水三升煮一
升含漱 千金方 木舌腫強
白礬桂心等分為末
安舌下 聖惠方

大陰口瘡
生甘草二寸白礬一粟大
噲之熬津 活法機要 口舌生瘡
下虛

定齋方用白礬泡湯濯足 張子和方
用白礬末黃丹水飛炒等分研擦之 小兒驚口
滿

白爛枯卷一錢末砂二分為末每以
少許傳之日三次神驗 普濟方 小兒舌瘡 飲乳

白礬和雞子置醋中塗兒 口中氣臭 明礬入麝香為
足底二七日愈 千金方 末擦牙上生

生 衄血不止 枯礬末吹之 鼻中息肉 千金用礬燒末
編之數日息肉隨藥出 一方用明礬一兩瓦麻仁七
箇鹽梅肉五箇麝香一字許九節裏塞之化水自下

也 眉毛脫落 白礬十兩燒研蒸餅九梧子大每空心
溫水下七九日加一九至四十九日減

一丸周而復始以 發斑恠證 有人眼赤鼻張大喘渾
愈為度 聖濟錄 身出斑毛髮如銅鐵乃

熱毒氣結于下焦也白礬滑石各一兩為末作一服
水三盞煎減半不住服盡即安 夏子益奇疾方

目醫弩肉 白礬石納黍米大入目今淚出日日用
之惡汁去盡其疾日減 外臺秘要 目

本單綱目 五十五

生白膜

卷石一升水四合銅器中煎半合入少蜜調之綿濾過每日點三四度姚和衆延齡

至寶

赤目風腫

甘草水磨明礬傅眼胞上致或用枯礬頻擦眉心集簡方

爛弦

風眼

白礬煨一兩銅青三錢研末湯泡澄清點洗永類方

聾耳出汁

枯礬一兩鉛湯

炒一錢為末日吹之聖濟錄

卒死壯熱

礬石半斤水一斗半煮湯浸脚及踝即得甦也肘

后脚氣衝心

白礬三兩水一斗五升煎沸浸洗千金方

風濕膝痛

脚氣風濕

虛汗少力多痛及陰汗燒礬末一起頭投沸湯淋洗痛處御藥院方

黃腫水腫

椎車丸用

明礬二兩青礬一兩白短半斤同炒今赤以醋煨米粉糊為丸棗湯下三十九濟急方

女勞黃

疸

黃家日晡發熱而反惡寒膀胱急少腹滿日晝黃額上黑足下熱因作黑疸其腹脹如水狀大便必

黑時澹此女勞之病非水也自大勞大熱交接后入
水所致腹滿者難治用礬石燒消石熬黃等分為散
以大麥粥汁和服方寸匕日三服病從大小便
去正黃大便正黑是其候也張仲景金匱方**婦人**

黃疸

經水不調房事觸犯所致白礬黃蠟各半兩陳
橘皮三錢為末化蠟丸梧子大每服五十九以

滋血湯或調經
湯下濟陰方**婦人白沃**經水不利子臟堅僻中有
乾血下白物用礬石燒杏

仁一分研勻煉蜜丸棗核大納入
腸中日一易之張仲景金匱方**婦人陰脫**作痒
空酒服方寸匕

日三服千金翼**男婦遺尿**枯白礬牡蠣粉等分為
末每服方寸匕溫酒下

日三服余**二便不通**白礬末填滿臍中以新汲水
居士選奇方滴之覺冷透腹內即自然通

臍平者以紙團
環之經驗方**霍亂吐瀉**枯白礬末一錢百沸湯
調下華佗危病方**伏**

暑泄瀉

玉華丹白礬煨為末醋糊為丸
量大小用木瓜湯下
經方
老人泄瀉不止

枯白礬一兩訶黎勒煨七錢半為末
宋飲服二錢取愈
大平聖惠方

赤白痢下

白礬飛過

為末好醋飛羅麩為丸梧子大赤痢
甘草湯白痢乾薑湯下
生生方

氣痢不止

巴石丸取

白礬一大斤以炭火淨地燒令汁盡其色如雪謂之
巴石取一兩研末熟豬肝作丸梧子大空腹量人加

減水牛肝更佳如素食人以蒸餅為丸或云
白礬中青黑者名巴石
劉禹錫傳信方

冷勞泄

痢

食少諸藥不效白礬三兩燒羊肝一具去脂醃醋
三升煮爛插泥和丸梧子大每服二十九米飲下

早夜各一服
普濟方

泄瀉下痢

白龍丹用明礬枯過為末飛
羅麩醋打糊丸梧子大每服

二三十九白痢薑湯下赤痢甘
草湯泄瀉米湯下
經方

瘧疾寒熱

即上方用
東南桃心

七箇煎
湯下
反胃嘔吐
白礬硫黃各二兩銑內燒過入硃砂一分為末麩糊凡小豆大每薑

湯下十五九
又方白礬枯三兩蒸餅九
梧子大每空心米飲服十五九
普濟方
化痰治嗽

明礬二兩生參末一兩苦醋二升熬為膏子以油紙
色收旋九碗豆大每用一丸放舌下其嗽立止痰即

消定西侯方只用明礬末醋糊九梧子大每睡時
茶下二三十九
摘要用明礬半生半燒山巵子炒

黑等分為末薑汁糊為丸如上服
興方用白明礬建茶等分為末糊丸服
諸心氣痛
備

事親方用生礬一皂子大醋一盞煎七分服立止
邵真人方用明礬一兩燒硃砂一錢金箔三箇為末

每服一錢半
空心中湯下
中諸蟲毒
晉礬建茶等分為末新汲水
胡服二錢瀉吐即效未吐再

服濟
生方
蛇蟲諸毒
毒蛇射工沙虱等傷人口噤目黑
手足直毒氣入腹白礬甘草等分

為末冷水服二錢
錢 瑞竹堂方
馬汗毒 所傷瘡痛白礬飛過黃丹
王氏博

濟 虎犬傷人 礬末納入裏之止
痛尤妙 肘后方 蛇蛟螫 燒刀牙頭
今赤置白

礬於上汁出熱滴之立瘥此神驗之方也真元十三
年有兩僧流南方到鄧州俱為蛇齒令用此法便瘥

更無他苦 劉 壁鏡毒人 必死白礬塗之
禹錫傳信方 太平廣記 刀斧金瘡

白礬黃丹等分為末
傳之最妙 救急方 折傷止痛 白礬末一匙泡湯一
少時痛止然後排整 益怕蘸柔熱慰傷處

筋骨點藥 靈苑方 漆瘡作痒 白礬湯拭之
千金方 牛皮癬

瘡 石糊皮蘸明礬末抹之切勿
用醋即垂洗下 直指方 小兒風癩 作痒白礬
燒投熱酒

中馬尾溫酒塗 小兒臍腫 出汗不止白礬燒
之 子母秘錄 灰傳之 聖惠方 乾濕頭

瘡

白礬半生半煨酒調塗上

生編身面瘡子

白礬地膚子等分煎水頻洗之

事 腋 下 胡 臭

巖石絹袋盛之常粉腋下甚妙

魚口瘡毒

白礬枯研

寒食麩糊調傅上即消

救急良方 陰瘡作白

取高昌白礬麻仁等分研末豬脂和膏先以槐

白皮煎湯洗過塗之外以楸葉貼上不過三度愈

葛洪肘后方 足瘡生蟲

南方地卑濕人

多患足瘡歲久生虫如蛭乃風毒攻注而然用牛或羊或猪肚屎不洗研如泥看瘡大小入椒過泥礬半兩已上研勻塗帛上貼之須臾痒入心徐徐連帛取下火上炙之虫出疎髮馬尾千萬或青白赤黑以湯洗之三日一作不過數次虫盡

嵌甲作瘡

足趾甲入肉作瘡不

可履靴礬石燒灰傅之蝕惡肉生好肉細細割去甲角旬日取愈此方神效

雞眼肉

刺

枯礬黃丹朴消等分為末搽之次

冷瘡成漏

明礬

半飛飛者生肉生者追膿五靈芝水飛各半錢為末

以皮紙裁條唾和末作小餅子香油裡濕於末拖過

剪作大小攤安入漏

早安午換候膿出盂後有些

小血出方得乾水住藥自然生肉瘡好

普濟方魚

睛丁瘡

枯礬末寒食麪糊調貼

丁瘡腫毒

雪白礬末

煨熟搗和九梧子大每服二錢五分以酒送

下未効再服久病孕婦不可服

毒

方見前

陰汗濕痒

交接勞復

卵腫或縮入腹痛欲絕礬石一分消三分大麥粥

清服方寸匕日三服熱毒從二便出也

人陰痛

裹石三分炒甘草末半方蘇

丁腫惡瘡

散用

生薑黃丹臨時等分以三稜針刺血待盡傳之
不過三上決愈乃太醫李管勾方 衛生寶鑑 蟲蛇

獸毒

及蠱毒生明礬明雄黃等分於端午日研末黃
蠟和九梧子大每服七丸念藥王菩薩七通熱

水送下

東坡良方

綠礬

日華

釋名皂礬

日 綱

青礬

煨赤者名絳礬

唐

礬紅

時珍

曰 綠礬可

以染皂色故謂之皂礬又黑礬亦名皂礬不堪
服食惟瘡家用之煨赤者俗名礬紅以別未紅

集解

頌曰綠礬出隰州溫泉縣池州銅陵縣並煎礬
處生焉初生皆石也煎煉乃成其形似朴消而

綠色取置鐵板上聚炭燒之礬沸流出色赤如金汁
者是真也沸定時汁盡則色如黃丹又有皂莢礬或云

即綠礬也恭曰綠礬新出窟未見風者正如琉璃色
人以為石膽燒之赤色故名綠礬出瓜州者良時珍
曰綠礬晉地河內西安沙州皆出之狀如焰消其中
揀出深青瑩淨者即為青礬假過變赤則為綠礬入
巧壤及漆匠家多用之然貨者亦雜以沙
土為塊昔人往往以青礬為石膽則誤矣

氣味酸涼無毒

主治疔及諸瘡

蘇恭

喉痺垂牙口瘡惡瘡疥癬釀鯽魚

燒灰服療腸風瀉血

大明

消積滯燥脾濕化痰涎除脹

滿黃腫瘡利風眼口齒諸病

時珍

發明

時珍曰綠礬酸涌瀉收燥濕解毒化涎之功與
白礬同而力差緩按張三丰仙傳方載伐木丸

云此方乃上清金蓮頭祖師所傳治脾土衰弱肝木
氣盛木來剋土病心腹中滿或黃腫如土色服此能
助土益元用蒼木二斤米泔水浸二宿同黃酒麴麩
四兩炒赤色皂礬一斤醋拌晒乾入瓶火煨為末醋
糊丸梧子大每服三四十九好酒米湯任下日二三
服時珍常以此方加平胃散治一賤役中滿腹脹果
有效驗蓋此礬色綠味酸燒之則赤既能入血分伐
木又能燥濕化涎利小便消食積故脹滿黃腫瘡痢
疳疾方往往用之其源則自張仲景用礬石消石治
女勞黃疸方中變化而來頌曰劉禹錫傳信方治喉
痺用皂礬礬入好米醋同研含之嚥汁立瘥
此方出于李蕃甚奇妙皂礬即綠礬也

附方

借一新
一十九

重舌木舌

皂礬二錢鐵上燒紅研
揆之陸氏積德堂方

喉風

腫閉

皂礬一斤米醋三斤拌晒乾吹之痰涎出盡用
良薑末少許入茶內漱口嚥之即愈
孫氏集

效方 眼暴赤爛

紅東五箇入綠礬在內火煨熟以河水并水各一盞桃柳枝心各七箇煎稠每

煎少許入皆上 摘玄方

爛弦風眼

青礬火煨出毒細研泡湯澄清點洗 永類方 倒睫

拳毛

上方同

瘡疾寒熱

大每白湯爵下一九端午日合

之 濟方 普

少陰瘡疾

嘔吐綠礬一錢乾薑泡半夏薑製半兩為末每服半錢發日早以醋

湯下 聖濟錄

翻胃吐食

白麴二斤半蒸作大饅頭一箇頭上開口剋空料皂礬填滿以新瓦

園注鹽泥封固它土蜜安放文武火燒一日夜取出研末棗肉為丸梧子大每服二十九空心酒湯任下

忌酒色 醫方摘要

大便不通

皂礬一錢巴霜二箇同研入雞子內攪勻封頭濕紙裏煨熟食

之 酒下即通 集玄方

腸風下血

積年不止虛弱甚者一服取效綠礬四兩入砂鍋內新瓦

蓋定鹽泥固濟煨赤取出入青鹽生硫黃各一兩研
勻再入鍋中固濟煨赤取出去火毒研入熟附子末

一兩粟米粥糊九梧子大每空心
末飲溫酒任下三十九 永類方 婦人血崩 青鹽二兩輕粉

一錢為末水九梧子大每服二
三十九新汲水下 摘玄方 血證黃腫 綠礬四兩

升炒麩半斤為末沙糖和九梧子大每服三四十九
食後薑湯下鄧時舉所傳 又方小麥淘淨一斤皂

罌半斤同炒黃為末黑棗肉半斤搗勻米醋打糊九
梧桐子大每薑湯下八九十九日三服 簡便方

脾病黃腫 青鹽四兩煨成赤珠子當歸四兩酒醱浸
七日焙百草霜三兩為末以浸藥酒打糊

九梧子大每服五九至七九溫水下一月后黃去立
效此方祖傳七世 又方綠礬四兩百草霜五倍子

各一兩木香一錢為末酒煎鹿麩九梧子大每空心
酒下五九 又方平胃散青礬二兩為末醋糊九末

飲下或加烏沈湯四兩酒糊
九亦可 潔古活法機要

酒黃水腫

黃腫積痛青
卷半斤醋一

大盞和勻尾盆內煨乾為度平胃散烏藥順氣散各
半兩為末醋煮糊九梧子大每酒或薑湯下二三十

九不忌口加錫灰
趙原楊真人濟急方

食勞黃病

身目俱黃青卷錫內
安炭煨赤米醋拌為

末棗肉和丸梧子大每服二三
十丸食后薑湯下 救急方

腹中食積

綠卷二兩
研末醋一

大盞瓷器煎之柳條攪成膏入赤脚烏一兩
研九綠豆大每空心溫酒下五九 聖惠方

疳虫食

土

及生物研綠卷末猪胆汁九綠豆
大每米飲下五七九 保幼大全

小兒疳氣

不可
療者

綠卷煨赤醋淬三次為末棗肉和九綠
豆大每服十九溫水下日三 集驗九

走馬疳瘡

綠

人鍋內炭火煨紅以醋拌勻如此三次為末入
麝香少許溫漿水激淨搽之 談野翁試效方

白禿

頭瘡

皂蓉棟樹子燒研搭之普濟方

小兒頭瘡

絳蓉一兩淡豉一兩少黑膩粉二錢

研勻以桑灰湯洗淨搽之良

小兒甜瘡

大棗去核填入綠蓉燒存性研貼之拔萃方

耳

生爛瘡

藁子去核色青蓉煨研香油調傅之

蚰蜒入耳

水調綠蓉灌之普

濟方 蛆入耳中

綠蓉搽之即化為水

瘡中生蛆

綠蓉末搽貼即化為水

摘玄 湯火傷灼

皂蓉和凉水澆之其疼即止腫亦消

癬瘡作痒

螺螄十四箇槿樹皮末一兩入盆內蒸熟入簍紅三錢搗勻搭之

甲疽延爛

崔氏方治甲疽或因割甲傷肌或因甲長侵肉遂成瘡腫黃水浸淫相染五指俱爛漸上脚踏泡漿四邊

起如火燒瘡日夜恹情醫不能療綠蓉石五兩燒至汁盡研末色如黃丹收之每以鹽湯洗拭用末厚傅

之以軟帛煖裏當日即汁斷瘡乾每日一過鹽湯洗
 濯有膿處使淨傳其痂乾處不須近但有急痛處塗
 酥少許令潤五日即覺上痂起依前洗傳十日痂漸
 剝盡軟處或更生白膿泡即擦破傳之自然瘡也張
 侍郎病此臥經六十日京醫並處方
 無效得此法如神 王焘外臺秘要 婦人甲疽 婦人

內生瘡惡肉突出久不愈名臭田螺用皂糝日晒夜
 露每以一兩煎湯浸洗仍以糝末一兩加雄黃二錢

硫黃一錢乳香沒藥各一 塗染白髮 綠糝薄衍烏頭
 錢研勻搽之 醫方摘要 綠糝半生半煨為末入少輕

漿水浸日染 腋 下胡氣 粉以半錢浴後薑汁調搽候
 之相感志 綠糝半生半煨為末入少輕

十分熱痛乃止
 仁齋直指方

黃礬
 目綱

集解

恭曰黃巖丹竈家所須亦入染皮用時珍曰黃巖出陝西瓜州沙州及舶上來者為上黃色狀

如梧桐淚人於綠巖中揀出黃色者充之非真也波斯出者打破中有金絲文謂之金線巖磨刀劍顯花

文丹房鑑源云五色山脂與黃巖也

氣味酸澁鹹有毒

主治療瘡生肉

蘇恭

野雞瘻痔惡瘡疥癬治陽明風

李珣

熱牙疼

李杲

附方新
五 聾耳出汁

黃巖二兩燒枯綠裏二錢塞之

聖惠方
婦人頰瘡

每年

頰發水銀一兩半以猪脂揉擦今消盡入黃巖石末二兩胡粉一兩再加猪脂和令如泥洗瘡淨塗之別

以胡粉塗膏上此甘
家秘方也 肘后方 身上癩痕 黃礬石燒令汁盡胡

末以臘月豬脂和研如泥以生巾指令痛乃塗藥五
度取鷹糞白燕窠中草燒灰等分和人乳塗之其癩

自滅肉平如故 在 急疔蝕齒 黃礬青礬半錢白礬
元亮海上集驗方 燒一錢麝香一分為

末傳之吐涎 聖惠方 妬精陰瘡 黃礬青礬麝香等分為末
傳之不過三度 千金方

湯瓶內驗

綱目

集解

時珍曰此煎湯瓶內漲
結成水驗如細砂者也

主治止消渴以一兩為末粟米燒飯九梧子大每人

參湯下二十九又小兒口瘡臥時以醋調末書十字

兩足心驗

時珍

附方

新

消渴引飲

湯瓶內棘葛根水洋培等分每服五錢水煎服又方湯瓶內棘菝

其根炒各一兩烏梅連核二兩培為散每服二錢水一盞石器煎七分溫呷日一服聖濟錄

附錄諸石二十七種

時珍曰別錄有名未用諸石及諸家所列而不詳難以類附者通附於此云

石脾

別錄有名未用曰味甘無毒主胃中寒熱益氣今人有子一名胃石一名膏石一名消石生隱

蕃山谷石間黑如大豆有赤文色微黃而輕薄如卷子采無時弘景曰皇甫士安言消石取石脾與消石以水燻之一斛得三斗正白如雪以水投中即消故名消石按此說是取消石合煮成為真消石不知石

脾是何物本草有石脾石肺人無識者臧器曰石脾
 生西戎鹵地鹹水結成者時珍曰石脾乃生成者陶
 氏所說是造成者按九鼎神丹經云石脾乃陰陽結
 氣五鹽之精因礬而成峨嵋山多有之俗無識者故
 古人作成代用其法用白礬戎鹽各一斤為末取苦
 參水二升鑪中煮五沸下二物煎減半去滓熬乾色
 白如雪此為石脾也用石脾朴消芒消各一斤為末
 苦參水二斗銅鑪煎十沸入三物燂減半去滓煎著
 器中冷水漬一夜即成消石可化諸石
 為水此與煖消之消石不同皆非真也

石肺 別錄曰味辛無毒主癆瘵寒久痿益氣明目生
 水中狀如覆肺黑澤有赤文出水即乾弘景曰

今浮石亦療瘵似肺
 而不黑澤非比也

石肝 別錄曰味酸無毒主身痒
 令人色美生常山色如肝

石腎

別錄曰味酸主洩痢色白如珠

紫石華

別錄曰味甘平無毒主渴去小腸熱一石比石華生中牟山陰采無時

白石華

別錄曰味辛無毒主脾胃消渴膀胱熱生脛北鄉北邑山采無時

黃石華

別錄曰味甘無毒主陰痿消渴隔中熱去百毒生脛北山黃色采無時

黑石華

別錄曰味甘無毒主陰痿消渴去熱療月水不利生不具勞山陰石間采無時

陵石

別錄曰味甘無毒主益氣耐寒輕身長年生華山其形薄澤時珍曰按聖濟錄云汗後耳聾用

陵石有竅如銀眼者為末每服一錢冷水下

終石

別錄曰味辛無毒主陰痿痺小便秘益精氣生陵陰采無時

封石

別錄曰味甘無毒主消渴熱中女子疽蝕生常山及少室采無時時珍曰虎尾之山游戲之山

嬰疾之山豐山服

山多封石即此

遂石

別錄曰味甘無毒主消渴傷中益氣生太山陰采無時

五羽石

別錄曰主輕身長年一名金黃生海水中蓬葭山中黃如金

紫佳石

別錄曰味酸無毒主痺血氣一名赤英一名石血生邯鄲石如爵茈二月采弘景曰三十

六水方呼為紫賀石

火藥

綱目時珍曰味辛酸有小毒主瘡癬殺虫辟濕氣溫疫乃烟消硫黃杉木

炭所合以為峰燧銳機諸藥者

石耆

別錄曰味甘無毒主欬逆氣生石間色赤如鐵脂四月采

馬肝石

綱目時珍曰按郭憲洞冥記云邛支國進馬肝石百片青黑如馬肝以金函盛水銀養之

用拭白髮應手皆黑云和九轉丹吞一粒彌年不飢亦可作硯

猪牙石

綱目時珍曰明目去翳出西蕃文理如象牙棗紅色

碧霞石

綱目時珍曰明目去翳障

龍涎石

綱目時珍曰主大風癘瘡出齊州一名龍仙石

鉛光石

綱目時珍曰主哽骨

太陽石

綱目時珍曰劉守真宣明方治遠年近日一切目疾方用太陽石太陰石碧霞石猪牙石

河洛石寒水石紫石英代赭石菩蕪石金精石銀精石禹餘石礬礦石雲母石墟甘石并泉石陽起石滑

石烏賊骨青鹽銅青各一兩硃砂半兩蜜陀僧一兩
 鵬砂三錢乳香二錢麝香腦子一錢輕粉一錢半黃
 丹四兩各為末煎膽一斤白砂蜜二斤并華水九益
 同熬至四益煎水內不散為度濾淨收點此方所用
 太陽石太陰石等多
 無考證姑附以此

朶梯牙

綱目時珍曰按周憲王普濟方眼科去醫用
 水飛朶梯牙火煨大海螺碗糖霜為末日煎

又方用可鐵判一錢阿飛勇一錢李子樹膠四錢白
 雪粉八錢為末雜子白調作錠每以乳女兒汁磨點
 之又方安响蘆出回回地面黑丁香即燒糞海螵蛸
 各為末日照所調朶梯牙益糖霜安响蘆可鐵判阿
 飛勇皆不知何物
 也附錄於此以俟

白獅子石

拾遺藏器曰主白虎病江東人呼為歷節
 風是也置此於病者前自愈亦厭伏之意

也白虎真神名狀如貓掃屎置門下令人病此療法
以雞子指病病人痛處呪願送於屎堆之頭上勿反
顧

鎮宅大石

拾遺藏器曰主災異不起荆楚歲時記十
二月暮日掘宅四角各埋一大石為鎮宅

又鴻寶萬畢術云埋九石於宅四
隅槌桃核七枚則鬼無能殃也

神丹

拾遺藏器曰味辛溫有小毒主萬病有寒
溫飛金石及諸藥合成服之長生神仙

烟藥

拾遺藏器曰味辛溫有毒主瘰癧五痔瘻瘰癧
瘡根惡種乃石黃主青桂心並四兩乾薑一兩

為末置鐵片上燒之以豬脂塗盞覆之待藥飛上如
此五度隨瘡大小似鼠屎大約孔中短封之三度根
出也無孔
針破納之



本草綱目卷十一